

光緒江西通志

江西通志卷一百七十四

列女六 撫州府

唐

蕭氏女父歷爲撫州長史父母俱卒蕭年十六與女弟皆毀貌載二喪歸貧不能給舟傭次宣州戰馬山人委其柩去蕭結廬水濱與婢穿墻而葬朝夕哀臨有馴烏縞兔菌芝之祥喪滿不釋衰人高其行或請昏女曰有能爲我致二柩葬故里者請事之矣高安尉楊含爲載二喪歸葬葬訖蕭乃釋服而適楊氏

函史謝志舊案蕭氏非撫州

人以舊志俱載存之

冶氏二女失其姓唐寶歷間金谿嘗設場冶金官收其課不及女父逮繫二女憤之以身投冶死事聞父譴獲

釋其治場亦廢眾因卽廢場立二女廟顏曰烈孝二女

祠謝志原案二女林志不詳其姓豫章書載葛祐女

宋

王益妻吳氏金谿人好學強記而恂恂自下於事未嘗有所專益生七子長二人元配徐出也愛之甚於己子二子卒遇其嫠婦異諸婦處內外疏戚甚恩有讒訕置之未或藏怒也自奉養未嘗擇衣食而人以窮來歸者分衣食急之嫁三從孤女如己女待長子之母族如己族方困時朝召其子安石官之至數十不起或曰盍強諸曰士各有志吾何可強之也及安石知制誥法得封其親敕勿言己安石有歸志以不足於養爲憂吳曰義苟當去吾豈有不安哉其志行如此史

王令妻吳氏臨川人江甯府錄事參軍吳賁女年二十四歸令未及一年令卒獨有遺腹一女其兄欲奪而嫁之號泣勿許歸老父母之家屏迹田桑以事兄嫂荆釵素布不事塗飾如此三十二年後在黃池陂獨居掌治陂事歲率農夫千餘人修治隄堰蓄水灌田利及一方人循稟教令子弟有不率者自攜楨楚求治之詔賜粟帛以壽終

宋史

徐氏女崇仁田家女也建炎初王世雄以眾叛犯崇仁徐年甫笄有容色賊得之抗聲罵曰身可死不可辱賊怒剗剔臠割楚毒備嘗罵不絕口黃興嗣作傳宜黃李郭有濺血不滅當時心之句

豫章書

晏氏臨川人相國殊曾孫女父孝廣爲揚州尉建炎間

兵南下城破孝廣殉難女年十五有美色統帥欲娶之

女延頸求死被殺

謝志

涂端友妻陳氏臨川人紹興九年盜起被驅入黃山寺  
賊偏之不從以刃加其頸叱曰汝輩鼠竊命若蜉蝣我  
良家子義不爾辱縱殺我官兵至爾其免乎賊知不可  
屈乃幽之屋壁居數日族黨有得釋者或齎金帛以贖  
其孥賊引陳令歸曰吾聞貞女不出閨閣今被驅至此  
何面目登涂氏堂復罵賊死

宋史

黃君雋妻胥氏金谿人自牧居士能謙女適黃未期而  
寡服除自牧問其所志答曰不事二夫有古訓在生爲  
忠孝家婦死爲忠孝家鬼蓋以君雋實忠孝黃彥遠之  
裔也婦卒包恢稱爲節婦旣爲之銘又扁其祠曰古烈

女謝

志

饒餘妻何氏名師韞金谿人何天棐女日誦千言父以  
比謝道韞喜浮屠教遍閱華嚴諸經一日偕夫往白楊  
山寺作失假山偈曰片石云來歲月深昔時求覓到如  
今誰知只在家山裏枉費工夫別處尋年四十孀居紹  
興間魏公張浚迎侍母鎮國太夫人帥閩道出界山太  
夫人亦通禪學聞其名踵門求見與語契合呼爲無生  
法友有詩集

謝志

楊某妻李氏樂安人德祐間元兵至李避於郊爲賊所  
獲偪之且懼以死李抗罵曰吾甯死遂遇害

豫章書

王某妻梁氏臨川人歸王纔數月會元兵至與夫俱被  
掠軍帥欲污之婦紿之曰夫在情不忍爲也乞歸之而

後可帥以金帛與其夫遣之并與一矢以卻後兵婦度

夫去遠罵賊死

函史

謝方妻黃氏臨川人讀書教子其子逸嘗自解於前曰  
兒貧不能治生顧爲親憂母曰汝豐於行而廉於財吾  
志也得不得有命何戚焉故逸雖貧而不動於利黃卒

潘邠老銘其墓

謝志

黃丙炎妻陳氏崇仁人性篤孝舅病癰瘡動止須人時  
丙炎以教授生徒未能旦夕侍側陳奉甘旨掖步履備  
極其勞後丙炎宦金陵與使長覆帖嘗云糟糠之妻非  
惟夙同辛苦實能盡孝先親奉養七年凡僕婢掩鼻望  
而走者皆夙夜躬執其役丙炎因得出館以營薪水乃  
今依棲門牆裕於而家亦天之所以報此婦也

謝志

黃氏名四娘樂安人早寡甘貧守節姑病刲股救之有  
強之再適者自縊而死

謝志

陳希點女崇仁人宋末流寇執女女投水死

府志

陳仲南女名幽年崇仁人遭亂父爲賊所執弟應道奔  
翼之俱罵賊死

府志

元

洪生妻熊氏臨川人儒學提舉洪畊母也節孝賢慈既  
沒翰林學士元明善爲之立傳吳草廬署其後曰明善  
於人未嘗輕可其文不易得得此特筆而洪母之賢益  
彰矣

謝志

虞汲妻楊氏崇仁人宋國子祭酒楊文仲女通語孟春  
秋左傳及歐蘇文子集甫三歲卽口授之聞吳草廬學



行數贊於汲遣二子從遊故集與榮之學人謂其成於

母也

謝志

曾氏二女金谿人宋進士曾周南之女弟與女也俱在  
室元初寇至驅使行及臨澗水二女相約不可污皆溺

死

謝志

張孟敬妻黃氏名安貞樂安人黃常之女孟敬統兵勦  
寇屢敗欲自裁黃曰君義不受屈我豈受污以辱父母  
及君邪請先殺我孟敬刃之遂自殺聞者悲之

謝志

吳泰發妻黃氏名嗣真金谿人以權女適臨川吳氏性  
莊靜好學泰發客死三衢黃迎其喪爲文以祭其詞悲  
悽激烈時年二十七親教二子賦三十韻詩勉之大德  
閒郡上其事館閣名卿皆爲嗟嘆得旨復其家明宋濂

題其詩後

謝志

周九成妻鄧氏崇仁人性莊重知書史至元壬辰盜起鄧徙居郡城戊戌八月鄂兵陷城奔匿草中兵執九成并其子鄧急呼曰甯殺我毋殺我夫與子隨被執欲辱之罵曰豈受爾犬彘辱被殺

豫章書

葛繹妻鄧氏名貞定金谿人年二十八而寡至正乙未鄉寇至鄧氏左提資囊右挈其子竄林閒逢盜奪其囊牽衣欲污之鄧絕袂罵曰我儒家女爲寡婦宜急殺賊且笑且誘之鄧拒罵愈厲被害

豫章書

陳介妻程氏名瓊浙江鄞縣人刑部尙書徐女陳籍金谿女生而聰慧父篤愛之旣適陳從父宦都中至正閒都城破母金氏謂曰我爲命婦汝進士妻不可失身程

曰母命敢不奉俱赴井死介感其義終身不復娶

豫章書

曾希仁妻萬氏樂安人生三女長者尚未嫁幼者亦及笄至正壬辰之亂聞寇將至三女同請於母曰時事至此度不能免苟或失身而生上負父母教且何以爲人願自裁母許之乃具酒饌飲食畢母女四人俱縊死

書

豫章書

楊氏女名如春崇仁人伯雨女讀書識大義至正壬辰賊入其家引索縛之如春號叫祖母吳爭之賊揮刃傷其右臂鄰族爭以金帛贖脫之如春哭曰祖母以我故受傷我縱生天地間何益乃自縊死時年十五越三日吳亦卒里士趙德莊哀其窮且義割地附葬奇湖之上

豫章書

劉紹可妻熊氏崇仁人年二十五而寡吳澄爲其子作

柏堂記以表其節

謝志

王心德妻吳氏崇仁人廉訪使當女王籍樂安爲亂兵所殺吳年二十一守節父遺書曰汝姑老可時時省問雖世亂家貧亦得前人歡自汝祖父以來禮法教人毋令人議汝父不能教訓吳奉書感泣奉姑益孝謹

豫章書

艾子高妻李氏餘干人仲公女仲公避兵臨川遂歸邑人艾氏生子在襁褓苗兵卒至李與夫潛逃遺子寢室李復入取兒兵欲污之罵而死子猶在懷中

謝志

虞世雄妻袁氏金谿人元末聞兵至投河死人朱復

心爲詩哀之

謝志

詹氏名端貞樂安人年十五許聘陳回未幾回死詹截

髮垢面誓不他適父母爲通媒灼遂自縊死

謝志

陳垚妻吳氏崇仁人垚爲吳澄弟子娶吳一年卒遺腹

生女痛哭而絕

府志

陳用培妻朱氏崇仁人至正閒寇至朱與仲子閻生被

執寇殺其子朱哭罵益厲遂并殺之

府志

吳勤一妻周氏金谿人紅巾賊亂被虜不屈死

府志

明

孫伯大妻陳氏崇仁人早寡撫遺腹子守節年八十二

卒洪武初旌

謝志

吳偉妻周氏金谿人性淑慎警敏元至正辛巳夫亡周  
年二十七子衷纔五歲二女尚幼矢志守節孝養舅姑

洪武閒奉詔旌表學士劉三吾爲之傳

謝志

章宗厚妻鄧氏名柔玉臨川人早寡撫孤守節洪武間

旌謝志

蕭體仁妻張氏樂安人元末爲賊所掠不屈賊斫之仆積尸中賊退微息尙存昇歸復蘇旣而體仁卒張年二十一子巖生甫四月長娶董氏年十九坐事戍遼東誓不見母不復御酒肉後二十七年果抵家張尚康健無恙孫儀登永樂進士授吏部文選郎張年七十八儀爲之傳轍綫集

鄧邦憲妻傅氏崇仁人年二十六夫亡守節以紡績養

舅姑洪武間旌謝志

劉元亨妻黃氏崇仁人德和女德和無嗣贅元亨爲壻生子濬黃年二十九夫死守節後濬登進士官吏部謝志

饒伯振妻劉氏名順慶吉水人元編修楚奇女伯振籍

臨川歿於亂兵劉年二十餘撫二孤守節永樂閒旌

謝志

支得誠妻徐氏名瑞貞臨川人年二十二夫亡養姑撫  
子同邑韓伯振妻丁氏名太貞年二十八而寡撫孤守

節皆永樂閒旌表

謝志

王紹妻吳氏名淑貞崇仁人洪武中紹官行人尋謫廣  
西鐵坑巡檢將行以書屬吳養其親紹卒於謫所奉舅  
姑教孤子一一無違永樂閒旌其堂曰貞壽吳溥爲之

記

謝志

吳厚德妻黃氏名端貞樂安人早寡守節歷四十餘年  
同邑黃仲逸妻宋氏名美貞紅巾賊起仲逸舉義戰死  
宋年二十四撫遺腹子守節黃克敬妻殷氏名細貞年

二十二夫亡守節卒年六十五俱永樂閒旌謝志

趙仲縣志達妻婁氏名永貞臨川人年二十五夫亡守

節同邑吳伯詠妻鄧氏名婉玉年二十夫亡守節撫孤

俱永樂閒旌謝志

吳彥升妻黎氏臨川人友和女夫亡守節自誓清儉謹

畏能處人所難處吳康齋爲立傳謝志

吳彥紀妻饒氏臨川人生二子燿煥俱未離襁褓彥紀

亡吳年二十四以文正家學勉勵二子後燿舉明經煥

舉茂材大學士楊士奇有慈節贊謝志

陳伯榮妻鄧氏名如玉樂安人早寡守節永樂閒旌謝志

胡敏道妻元氏名癸順樂安人德昭女年二十二敏道

卒撫姪九震守節孝養舅姑張純爲之記謝志



饒仲高妻黃氏名季貞崇仁人仲高以戶役死於郡黃年二十四居喪有禮服闋父母欲嫁之黃曰使吾兄弟或亡其外父奪父新婦以嫁父豈欲乎吾夫雖早亡舅姑幸無恙甯忍飢寒以奉二人不可違禮再適欲自縊父母知不可強而從之正統閒旌

謝志

邱咨疇妻熊氏樂安人年二十無子夫亡舅姑歿哭曰妾不幸至此尙何用生爲遂自縊

豫章書

聶同文妻胡氏臨川人同文以中書歿於京胡扶柩歸葬越數月子大年生家貧紡績後大年有文名正統閒

旌

謝志

戴子鼎妻蔣氏崇仁人早寡撫孤守節其子婦孫婦皆

早寡以節終號一門三節吳康齋表其墓

謝志

吳子堅妻周氏崇仁人子堅亡撫子昂守節年九十吳康齋以節壽顏其堂且爲之記

謝志

李楨一妻趙氏東鄉人年十七歸李半年夫歿誓死守節年七十餘卒吳康齋有白曰堂堂照貞節董狐直筆更須收之詠又吳泰安

一作安泰

妻胡氏早寡無子守節被

旌

謝志

王常妻黎氏東鄉人生六子皆親教誨規矩條約甚於明師小有違失召至庭下讓之長跪待罪常以御史言事謫莆田尹爲柱聯有牧民猶帶舊風霜句黎曰令本牧民焉用風霜爲哉請以無事二字易猶帶二字常欣然從之

謝志

陳淑昇妻許氏崇仁人秉暘女年十六歸陳甫二年淑

昇卒遺孤玉晟僅六月許守志不渝玉晟既長再新堂

構吳康齋扁其堂曰永貞孫曰良爲記

謝志

程彥忠妻呂氏崇仁人年十四歸程生子尚政呂年二

十四彥忠卒撫孤守節尚政娶劉氏生子塤尚政年三

十而卒劉亦撫孤守節邑人江漢題其門曰雙貞

謝志

譚洪季妻張氏樂安人年二十六夫亡無子自縊死

謝志

陳廣基妻龔氏名瓊貞樂安人年二十三廣基卒子升

輔僅四月及長娶胡氏年十九升輔亦卒撫遺腹子心

明年十九而天娶洪氏亦自矢守節三節婦皆以有壽

終楊貢作重節堂記羅近溪贊云我觀三節傳艱苦云

備矣些子甘心處萬年生不死

謝志

王盛南妻何氏名惠貞樂安人益儕女年二十一夫亡

舅姑憐其年少欲改嫁何誓死不從撫孤成立以壽終

楊貢爲之傳謝志

曾延伯妻李氏樂安人夫死撫孤守節父母欲奪其志

弗從六月六日折杏一枝插階下祝曰婦節與杏爲榮

枯越旦杏益華茂李秉節愈嚴子鑑正統貢生李年及

百齡有司旌表及後樹猶茂眾稱爲靈杏云謝志

周足妻劉氏金谿人足死劉剪髮納棺中及葬畢遂服

砒七日死教諭劉維巢傳其事謝志

王泰昌妻董氏名官貞樂安人年二十二夫亡自經以

殉謝志

李時傑妻許氏臨川人進士同書女幼讀列女傳節義

諸篇嘗曰爲女子固不當如是邪長適宜黃李氏夫死

許年十九守志不二訓孤有法天順六年旌

謝志

饒贊妻唐氏妾甯氏臨川人夫歿甯氏方舉子唐之季女謀毒之唐覺訟於官而讐其女太守周瑛嘉其節義

唐年八十有一甯年九十有二卒

謝志

方希軾妻葉氏臨川人夫亡年二十奉姑以孝聞訓子昇以明經爲儒官景泰間旌表其閭

謝志

陳氏女名細秀金谿人父瑄疾劇女年十四禱天求代或傳軍峯山懸崖千仞舍身墜巖禱無不應女偕祖往謁既登崖躍然投之祖意其死攀緣而下視之肢體如故女歸則父愈矣僉事王稽賦詩記之

謝志

陳文煜妻畢氏名蓮貞樂安人年二十一夫亡撫孤守節以壽終邑令王貫聞於上爲立節壽坊同邑鄧益輅

妻袁氏名朗貞年十九夫歿子尚儉三歲及長以從女  
姪菊娘爲婦未幾尚儉卒菊娘哭曰吾姑不負吾舅吾  
忍負吾夫乎婦姑相倚俱以壽終謝樛庵綴爲之傳謝志  
吳克寬妻黃氏崇仁人年二十二夫亡無子母微諷之  
他適黃哭曰兒生爲吳氏婦死爲吳氏鬼遂潛縊於室  
母覺救之得免成化閒旌謝志

鄧鼎安妻饒氏臨川人震行女年二十四夫亡守節被

旌謝志

聶氏名妙真樂安人年十五納同邑王所聘未嫁而所  
亡女聞訃涕泣欲往弔父母不可女曰兒雖未入王門  
然旣以身許之不可再醮遂闔戶自經死以其喪歸王  
氏合葬焉詔旌表明書 謝志 舊案 明書 聶氏 納王所聘餘志俱作歸丁頂

王德修妻元氏名瘦姑樂安人年二十七而寡撫遺腹  
子守節家貧紡績以事舅姑教子成立邑令陳世良爲  
立傳稱其孝慈節義兼盡焉成化閒旌謝志謹案縣志作宏治元年旌

李賢妻郭氏崇仁人年十九歸李家貧弗給郭紡績以  
資日用賢病足伏牀者三年旦暮侍湯藥久而彌謹疾  
亟度不能生走懇母氏曰夫垂亡幸相周濟言畢號泣  
而歸賢卒棺斂畢乃大慟曰妾望夫以終其身夫亡無  
子妾將焉託再醮固不敢聞脅偁何由自免遂潛經於  
後園之木閒鄉人驚悼爲具棺槨合葬之事聞旌表謝志  
羅元方妻萬氏崇仁人年二十而寡撫遺腹子鑑守節  
宏治元年詔旌表謝志

周繼聲妻徐氏臨川人早寡守死不二同邑甘自光妻

胡氏夫亡守節俱宏治初旌

謝志

董伏隆妻王氏名介貞樂安人夫亡子時望生甫九月王養姑極孝時望弱冠入庠無以爲贄王以紡績之資給之後成進士同邑王敘訓妻邱氏早寡撫遺腹子守節俱宏治閒旌

謝志

陳宏璧妻董氏樂安人夫卒二子尚在襁褓矢志守節卒年八十與洪江妻曾氏同時被旌

謝志

詹守方妻胡氏名潔貞樂安人年二十六夫亡子同德甫四歲胡流涕曰妾姑年二十七而守吾夫妻合不幸敢不養姑而守吾子姑媳同節宏治閒旌同邑鄒則常妻洪氏名蘊貞年十六而寡亦以守節被旌



元洪綱妻曾氏崇仁人年二十七夫亡撫三子守節旌

門

謝志

謝輔繼妻于氏揚州人謝籍樂安夫卒于年少誓死守節歷四十餘年劉大夏奏旌之

謝志

倪氏東鄉人其夫淫佚無行倪苦諫之不聽曰有夫如此不如死三日不食昇之母家截髮不復歸亦不更適太守吳華贈以詩曰滿頭怒髮年年斷

一作短

孤枕清風

夜夜寒

謝志

徐元程妻陳氏臨川人通判幽女元程金谿監生也夫歿無子撫姪爲嗣舅姑與夫三喪在堂進食如生子長有室卽營葬三喪畢曰吾今乃可見吾夫矣

謝志

許敏妻徐氏金谿人通判文升女敏籍臨川病臥三年

徐躬調藥餌既卒翦髮守節扃戶深居

謝志

龔敬妻許氏金谿人敬貧客蜀三十年舅姑垂老許善事之姑廢視手足痺不能動許躬進飲食背負以行舅姑俱年八十五卒竭力營葬卒年七十三邑人劉會爲之傳

謝志

鄒春妻王氏金谿人年二十餘夫亡歷三載里有謀聘者王聞之乃閉戶沐浴更衣自縊死邑令杜表祭其墓提學洪範爲之傳奉敕旌表

謝志

陶宗侃妻劉氏金谿人秉中女年十九而寡遺腹生一子至四歲不育矢死守節事姑盡孝至六十奉敕建坊顏曰節操

謝志

李賴一妻詹氏宏治間賊劫其家詹出奔賊悅其姿色

追之詹投於里之伏塘時水淺賊惜其死援之以挺詹

懼其污已遂僵於水中而死

謝志 謹案舊志 俱不著何縣人

彭金八妻曾氏臨川人年二十夫溺死生一女方彌月聞訃抱女往求屍不得曾棄女欲以死從家人驚救屍忽浮出及服闋夫兄偪令改適曾碎一器誓曰此器完則嫁迫之不已以刀斷髮眾謀遂阻

謝志

李氏崇仁人時中女許聘謝萇九萇九出商於外及并謝家迎歸以待萇九之返踰五年萇九貽書令改適李涕泣誓無他志歸父家恆以從一而終自矢後其父私有所許李聞自縊死

謝志

羅夢先妻周氏崇仁人歸二年而夫卒殯葬畢以家事

詳白於舅姑遂闔門自經時年二十餘

謝志

歐陽齊妻龔氏名菊貞崇仁人齊性褊躁以小故逐龔  
還母家而更娶父母諷女改適龔堅執不可熒然獨守  
終無怨言卒年八十二

謝志

羅沐八妻李氏崇仁人生一子沐八外商覆舟死訃至  
日夕悲泣撫其子至三歲曰吾可託矣遂付孤於舅姑  
投井死

謝志

胥氏李氏皆臨川人胥許撫州超氏子李爲胥廷儉妻  
胥之嫂也姑嫂俱年十七正德壬申東鄉盜起突至其  
里二女出走羣盜追之至舍旁湖畔二女見其將及且  
罵且走相攜投湖而死

謝志

聶宗實妻胡氏妾王氏東鄉人賊犯縣境涉前溪以避  
聞賊逼近胡恐不得脫遂墮於深瀨王挽之亦同墮而

死提學洪範爲立傳

謝志

黃立夫妻詹氏樂安人正德辛未流寇犯邑執詹與其子去行至東隅杏邨井乃紿賊求水密謂子曰記母在此井遂投之賊退收其屍面如生時同邑傅愈銘妻易氏詹崇妻潘氏俱被執不從罵賊遇害

謝志  
立案黃  
立夫林  
志作洪

劉氏名錦娘樂安人希仁女許聘陳澗未幾澗父母相繼卒劉亦行喪服正德癸酉年十七澗病卒劉欲歸陳母謂未嫁不可往劉卽密服毒死遺言於嫂云我死以我歸陳殉夫葬提學李夢陽稱其幼冲克執舅姑之喪能奮殉夫之烈絕無而僅有也

謝志

陳忠妻周氏東鄉人正德辛未知縣龍誥督兵捕盜忠

率族人爲之輔賊遂攻其族族眾悉力捍禦自辰至申  
戰數十合賊焚其室力不能格周謂忠曰事急矣宜爲  
生計勿以妾爲累乃悉釵環金貲與忠促其急走忠潰  
圍而出賊見周氏欲執之周大罵投於沼嫂王氏揭氏  
弟婦張氏饒氏王氏姪女金玉俱溺水死正德十三年  
都御史孫燧上其事奉詔旌表曰七烈

謝志謹案謝志有陳忠妻王

氏事實同惟嫂揭氏作楊異今刪彼存此

李貫五妻張氏東鄉人李家甚貧張悉賣匱收以養舅  
姑正德間盜起夫婦被執張給賊令放夫還備金來贖  
賊信之度夫去遠遂大罵被殺貴溪樊應魁傳其事邑  
令范永鑾題其首曰正氣歌殘思惘然將軍頭斷幾千  
年西風灑盡英雄淚秉筆何人續史編

謝志

梁元五妻周氏東鄉人正德七年賊犯境周負其姑劉氏以遁遇賊推劉溺溝中縛周氏於馬周反覆顧姑顛仆於地賊遂殺之時同邑梁伯一妻晏氏賊殺其夫奔抱其屍詈罵賊併殺之

謝志

王氏二烈婦俱東鄉人何氏王白二妻李氏王白九妻相攜避賊至長林遇賊黃金四追之二婦且哭且走相約曰與其受辱甯死相繼投潭井中里人哀而葬之

謝志

吳欽賢妻曾氏名好貞樂安人正德間欽賢挈家避賊於琴源賊至殺欽賢脅曾去曾唾罵曰汝殺吾夫吾肯從汝求活邪賊并殺之時盛暑越二日子玉收其屍面

色不變

謝志

府志

謹案以上三傳志復見於後今刪彼存此

歐葢十妻陳氏東鄉人正德間盜掠其鄉陳被執不肯

行罵賊而死同邑全式二妻陳氏式三妻萬氏俱被賊

執恐辱之同赴章橋水死

謝志

饒寬洪妻徐氏東鄉人歸饒纔七月而寡撫遺腹子守

節歷四十年正德閒旌

謝志

樂華仁妻徐氏樂安人夫亡守節長子師韶正德辛未死於寇妻詹氏撫子士鸞僅數歲鸞長娶游氏未幾天游年二十誓不再適三世孀守羅明德贈有三節堂詩

謝志

危時行妻劉氏臨川人年二十而寡守節撫子世純長娶楊氏無子立族子爲嗣訂奪羣至時劉年老矣楊齧指毀面誓死養姑訂奪始息劉年九十楊年八十四卒陳九川題其堂曰重貞爲之記

謝志



毛大節妻曾氏樂曰瓊妻李氏俱樂安人正德間死賊

難

謝志

周鉦妻徐氏金谿人適周甫兩月鉦以暴疾卒撫遺腹生子瑄守節邑人黃其爲之傳

謝志

曾氏名婁英樂安人許張宏鐸未嫁聞姑及夫病遂告歸養姑姑甫卒夫亦病篤竭力奉侍半載夫亡父母勸其他適遂自縊死

謝志

戴氏名新喜樂安人許聘曾氏子未歸夫死戴自縊以殉父母救甦後聞議改聘竟自盡同邑楊光斗妻曾氏年二十七夫病革先自經死張洪振妻李氏歸張兩月夫卒自經死

謝志

陳南燦妻黃氏崇仁人年二十四夫亡撫子忠義比長

娶袁氏生子希賢甫五歲忠義亦卒婦姑相依以終厥

志里人嘉之以雙節名其堂元章爲之記

謝志

任良貴妻鮑氏臨川人年十八從夫官蘭谿夫卒撫孤足不越閭夫有同籍者憐其貧而厚助之曰未亡人何用此謝去後流寇猝至走伏林間盛霧忽大作咫尺不辨竟得免

謝志

盧氏臨川人屠兒妻也舅姑病且老屠以織畚資衣食婦自攻苦以肥甘奉舅姑屠未之知舅姑疾愈婦事之益至閭里共義之爲言於郡榜曰孝婦盧氏

謝志

邱景仁妻王氏名靈秀樂安人父與景仁父素厚善當子女初生時訂爲婚媾後景仁病廢遂議罷婚靈秀挾匕首示母得止及歸景仁相得甚懽生四子羅近溪題

曰節順殊常

謝志

艾賢妻何氏東鄉人年二十五夫亡事舅撫孤歷五十餘年後子挺中嘉靖癸卯鄉榜任潯州通判得請建坊

謝志

廖文鑑妻李氏宜黃人年二十七夫亡撫孤守節百歲

時邑令黃淖扁其堂曰百歲節婦越二年卒

謝志

李發二妻袁氏吳蓋七妻李氏俱宜黃人被寇執不辱而死後得旌

謝志

王詔妻樂氏東鄉人年二十五夫亡撫遺腹子守節嘉

靖閒旌

謝志

袁溶妻曾氏袁湜妻黃氏俱臨川人嘉靖閒流賊入境

二婦義不受辱行遇深池赴水死事聞旌表建坊

府志

吳子材妻楊氏崇仁人嘉靖辛酉流寇至子材夫婦皆被執賊殺子材楊怒大罵賊支解之

府志

詹隆質妻王氏樂安人年十七歸詹未幾隆質亡遺腹生子琛撫之守節年八十九卒旌表同邑邱子讓妻畢氏

一作董氏

袁績勳妻董氏詹立本妻陳氏夫亡子幼俱以

節終

謝志

謝宗濂妻黃氏名月貞樂安人年二十三夫亡養姑撫子歷四十餘年雷古和有記同邑晏宏範妻游氏夫亡無子守節七十餘年黃綜紀其事

謝志

黃廣用妻陳氏名池貞樂安人年十八夫亡家貧守節孝養姑嫜歷六十餘年巡撫陳有年巡按朱鴻謨給扁

旌門

謝志

鄒人鶚妻黃氏樂安人年二十五夫亡守節撫孤鄒文

莊爲作節愛記謝志

樂以仁妻游氏名月貞樂安人年二十三夫亡撫妾所

生二子不啻己出延師課督一子名先鳴學業克成出

仕有聲歷五十年尚書董裕記其慈節同邑游惟智妻

李氏名玉貞撫孤守節裕亦爲之記謝志

樂廷宣妻鄒氏邱聚英妻譚氏陳作魁妻袁氏曾維秉

妻蔡氏俱樂安人以節壽膺旌表謝志

陳伯芳妻黃氏樂安人年二十二而寡撫子育瑞守節

歷四十餘年通判葉逢春表其門曰守貞并爲傳記之

謝志

陳本倪妻詹氏樂安人年二十三夫亡與子婦畢氏同

守節詹年八十九卒巡撫鄭岳立節壽坊表之羅明德

爲之傳

謝志

羅良傑妻王氏名玉貞樂安人年十九夫亡越五年叔  
良忠亦卒率其妻曾氏共守羅近溪董擴庵俱有詩美  
之

謝志

王維賢妻鄧氏樂安人年二十二夫亡子生數月而瞽  
撫之守節後訓諸孫卒年八十羅念庵銘其墓

謝志

鄧舜旺妻余氏宜黃人琳泰女年十七歸鄧越三年而

寡事姑守節嘉靖閒旌卒年七十五

謝志

吳益八妻李氏名秀宜黃人年二十二嘉靖閒夫亡於  
寇李被擄以行忿罵臥地齧舌噴血寇面死於亂刃下

詔旌表鄉人爲建祠

謝志

熊紹明妻曾氏李燦南妻洪氏俱崇仁人夫亡事姑撫

子嘉靖閒巡按李伸並旌其門

謝志

劉岳一妻楊氏崇仁人歸劉三載生二子岳一部解軍人卒於途訃至楊哭之慟置二子於房外自縊死時年

二十九

謝志

熊希環妻呂氏崇仁人生二子希環卒呂年二十七撫孤守節以終嘉靖閒通判林垠表其門熊翰傳其苦節

謝志

傅氏女名旬姑臨川人許嫁同邑陳氏子將歸而陳氏

子沒矢志守節踰二十年卒知府曾汝檀表其墓

謝志

李時傑妻羅氏崇仁人羅文玉女歸李甫二年而寡無

子立姪詔爲後以守節終嘉靖閒旌

謝志

吳子暘妻程氏名雍秀崇仁人年二十一歸吳生子煥  
週歲子暘客死程矢志守節年六十五卒無以爲殮邑  
人士憐之李登紀其事

謝志

陳氏女名妹秀崇仁人叔利女嘉靖辛酉流寇破邑妹  
秀被執投陂中死時年十八劉胃監侍婢陳氏女名雪  
梅亦爲寇執投水死

謝志

黃庭賓妻陳氏臨川人御史紀之子婦也事姑孝姑卒  
於京隨柩南歸陳哭屢絕夢見姑曰玉河吾與汝相遇  
也及天津登舟問水夫名對以天津玉河陳卽赴河死  
聞者哀之爲立孝婦祠

謝志

傅道匡妻劉氏名勝玉臨川人同亨女父病噎絕粒五  
日女刲股食之病稍愈漸能飯竟延半載人以爲至孝



所感謝志

郭呈理妻詹氏樂安人年十七歸郭十九而夫卒抱伯  
子紹儀而字之紹儀成諸生俾從羅近溪遊請事性命  
之學詹卒年六十二邑紳士上其節於督學及直指使  
者檄下旌其廬董裕作節孝傳董擴庵集

王嘉兆妻楊氏臨川人早寡守節孝事舅姑歷二十餘  
年萬厯閒旌謝志

聶裕妻劉氏名恆玉金谿人劉錫女生子稔甫週晬而  
裕沒劉年十九矢志守節事舅姑生養死葬一一循禮  
年六十餘卒萬厯閒奉詔旌表孫曼中鄉試仕至國子

助教謝志

王道隆妻唐氏金谿人年二十一而寡撫孤子事舅姑

苦節歷五十年建坊旌表

謝志

唐氏三節婦樂安人唐重儒妻曾氏年二十六而寡守節撫二孤國岐娶陳氏年二十守節國宣娶曾氏年十八守節萬歷閒旌曰三節齊芳

謝志

曾世俊妻陳氏名真貞樂安人年二十八夫亡守節訓育二子卒年七十有八旌表

謝志

伍憲中妻何氏臨川人憲中中鄉試上公車卒於京何聞訃投屋後池而死

謝志

邱御琇妻李氏臨川人早寡奉舅姑撫孤兆麟成進士

上節孝狀特建坊旌表湯顯祖爲撰墓誌

謝志

彭亨妻黃氏臨川人早寡守節萬歷閒旌

謝志

王需妻邱氏臨川人早寡無子守節翁將嫁之邱自縊

死事聞旌表

謝志

傅炯七妻范氏臨川人歸傅一年而炯卒范毀容誓死

守節同邑張世澄妻李氏夫亡守志俱旌表

謝志

朱思中妻曾氏樂安人年二十一守節撫孤年八十卒

旌表

謝志

朱宗隆妻龔氏名桃秀樂安人及笄而寡立嗣守節嘗裂一鏡自佩有諷之易節者即舉以示曰若能爲我復

完則可

謝志

聶啟孟妻王氏金谿人年十九而寡守節撫孤旌表

謝志

何璇妻李氏東鄉人璇客死李有殊色父迫之嫁遂以簪入耳內手自拳之至沒復拔出血濺如注姑覺呼家

人救則已死矣

明史

鄒士興妻楊氏東鄉人早寡夫兄欲奪其志卽削髮刺

睛守節以終同邑王朝佑妻袁氏早寡守節壽百有四

歲

謝志

徐承恩母劉氏臨川人年十九而寡守節歷八十六年

旌表

謝志

吳重佐妻湯氏臨川人夫亡撫女守節女嫁湯自縊死

謝志

李元潔妻黃氏詹滾妻黃氏喻詔妻楊氏俱臨川人早

寡守節萬歷閒旌

謝志

管建中妻張氏臨川人年二十五夫亡守節事姑教子

天衢登萬歷己酉鄉薦巡按顧造題請建坊旌表

謝志

曾全妻湯氏臨川人年二十而寡自矢守節御史曾佩

金華縣志

張煒妻徐氏臨川人年二十夫亡服闋託言謁華山神遺書訣姑遂赴紫元洞墜崖而死胡先覺爲傳紀其事

萬厯閒旌表建坊

府志

左三卿妻周氏臨川人萬厯閒以拒強暴自盡年甫二十

府志

吳世龍妻余氏小字瑞玉世龍卒於官余年二十五守

節事兩代姑訓子帝簡後營姑墓有白鳥來巢之異巡

按徐養心旌其門曰節孝雙成

謝志 謹案舊志 俱不著何縣人

黃玉沆妻鄧氏名姿秀崇仁人用奇女年十八歸黃甫

一年而玉沆沒鄧慟哭屢絕時孤汝南甫三月姑勸之

乃強食饘粥未幾舅姑繼亡鄧傾匱殯葬躬親紡績守

節歷四十餘年

吳文格集

曾章志妻游氏樂安人年二十夫亡守節壽至八十孫師世舉人元孫瑞來進士大學士吳道南作傳修撰劉理順誌其墓

謝志

董德周妻原氏黃夢鸞妻曾氏陳時高妻詹氏俱樂安人夫亡守節以壽終

謝志

曾章訓妻聶氏樂安人年二十夫亡守節至八十三卒御史張簡具題旌表

謝志

曾達卿妻詹氏樂安人夫病篤呼詹以手指翁姑者再及逝詹泣曰夫以兩大人屬妾者知妾無二心也竭孝全節年七十二卒鄒元標爲之銘

謝志

黃士璋妻胡氏宜黃人年十七夫亡無子守節御史史

弼張詮先後旌門年七十卒

謝志

王福地妻徐氏金谿人源女年十八歸王僅兩月福地卒無子守節家貧紡績以養舅姑年七十五卒萬厯間

御史史弼上其事詔建節孝坊

謝志

吳邁妻周氏金谿人知州九洪女年十六歸吳越數年而邁卒守節事舅姑以孝聞後以兵亂投沼死

謝志

胡志正母朱氏樂安人年未三十而寡撫二子守節天

啟閒邑令蔣德瑗表其門

謝志

鄒金璧妻許氏宜黃人年十七矢志守節至八十奉詔建坊同邑吳化妻廖氏年二十而寡撫孤養姑巡撫題

請旌表

謝志

周孔孜妻許氏金谿人孔孜入太學謁選沒於江許撫

子可大娶陳氏可大亡陳年十九姑婦相依吳堂爲作

節孝傳

謝志

劉達妻管氏豐城人達籍臨川仕至御史閩兵至管被執厲聲罵之寸傷而死子年十三并殉達痛婦子俱亡

不踰月亦卒

謝志

郭由謙妻聶氏樂安人流寇掠縣橫肆淫劫聶懷娠忽被賊執賊欲污之堅志不從跳井死賊取其屍刳剔其腹以孩貫於槩爲戲至爲慘烈

謝志

董端一妻楊氏董棟七妻王氏張子燧妻陳氏董心四妻曾氏董旭二妻丁氏董受九妻張氏張湛九女淑姑張福一女末姑又邱氏張氏王氏楊氏丁氏俱崇仁人

崇禎間死難載解學龍碑記

謝志



陳大望妻王氏張海四妻陳氏陳龍祖妻李氏張子敘

妻陳氏吳文昌妻曾氏王求興妻賴氏王林立妻張氏

王茂五妻曾氏王景妻劉氏陳龍四妻張氏又鄧氏張

氏正姑俱樂安人崇禎閒死難載解學龍碑記謝志

甘氏字惠貞臨川人許字王煥未嫁夫歿矢志守節父

母強奪其志赴水死時年二十四府志

黎人瑞妻邱氏崇仁人瑞以浮水救父沈江而死邱

號慟亦投水死府志

黃文仁妻羅氏崇仁人賊至被擄不從賊怒斬首剮割

死同邑黎惟光妻樂氏被執義不辱以刃怖之罵不絕

口賊怒剖腹而死府志

樂氏臨川人諸生大薦女崇禎閒土寇破城大薦被執

女出語賊釋吾父當從汝賊釋大薦去女隨至道旁堅抱一柳樹不行拽之不能動賊大怒奮力用利刀斫之頭與木俱斷兩手尚抱柳樹其尸不仆府志

周文甫妻常氏臨川人明末避兵靈山兵至不屈抱子躍井死府志

左愈定妻婁氏臨川人夫病矢以死殉及卒卽自盡同邑樂徽聲妾胡氏徽聲殉難於官胡從死徽聲有女孫後亦殉難謝志府志

徐銓妻曾氏臨川人年十五歸徐乙酉避居母家爲兵所執強偪不從初截其髮再斷其左臂憤罵益甚眾怒縛置柱間裂體剖腹而死府志

孔尚節妻江氏臨川人尚節投左良玉麾下爲裨將鎮

防池州崇禎十七年聞北京陷遂棄官江氏年未四十  
爲賊所掠欲犯之叱罵不屈賊怒斷其肱習愈甚賊支  
解之而去府志

戴欽姑金谿人康山守備紳女年十六未字甲申之變  
紳遇害欽姑踉蹌遁寇捽其髮欽姑戟手罵脅以刃罵  
愈厲寇手刃之又李致中妻詹氏賊劫投池中死府志

鄭少塘妻張氏金谿人夫卒張苦志撫孤夢眉舉天啟  
鄉試官四川知縣張獻忠破成都夢眉死難張氏率合  
室同死府志

鄧景雲妻黃氏金谿人崇禎末遇賊欲污之拒不從賊  
怒殺之府志

王瑱妻許氏金谿人崇禎末瑱爲賊害許懷刃求報不

獲以頭觸棺絕而復甦越歲寇愈熾偕姑避姑老病不能行許伏林莽聞夜出負姑而逃又李成美妾吳氏被賊偪不屈受刃而死

府志

何雙橋妻盛氏何文祥妻傅氏俱金谿人賊掠其里同躍入深澗溺死

府志

王國珍妻陳氏崇仁人夫亡子殤值甲寅之變自縊死

府志

陳天賦妻鄧氏崇仁人天賦愚懦夫兄天球故謗鄧使逐之其父母恚甚謀令別嫁鄧聞而自經既救免引刀斷指以示不二尋以疾卒同知林垠白之大吏罪天球而表鄧墓

府志

何渭六妻甘氏崇仁人甲申之亂賊殺渭六并其三子

甘撞石而死府志

黃宗泰聘妻丁氏崇仁人未婚宗泰卒丁往視含殮畢

絕粒七日死府志

李任卿妻吳氏東鄉人奉姑稱孝寇至將刃其姑吳以身蔽賊欲挾之歸營吳曰姑在此釋姑吾卽從若行賊縱其姑去吳遂閉門投繯死府志

魏廷賓妻孫氏東鄉人土寇起廷賓偕邨人築砦自衛賊至砦破孫以有娠不出賊逼之孫大罵死二女長金英年十六次玉華年十五爲賊所掠將械繫以行金英紿之曰我自願從何必爾遂與妹攜手扶持行至橋半同躍入水死賊退廷賓覓得其屍見金英衣襟上血書一詩曰賊破自成營羈儂到大坪願隨橋下水長洗一

身清

府志

吳公邁妻周氏東鄉人年十六歸吳夫病侍湯藥衣不解帶者數月及死撫妾子如所生未幾子殤從其舅官廣西返虔州會北兵至倉皇竄匿周度不免縫其衣帶

投水死

府志

周峻妻李氏東鄉人年二十八夫亡無子目縊死

府志

傅愈銘妻易氏宜黃人爲賊所執欲犯不可賊刃之血

染石若人形經久不滅

府志

詹崇妻潘氏宜黃人崇成進士賊至潘投井死

府志

楊懷謨妻胡氏臨川人崇禎末峒賊掠境胡嚙舌血噴

賊賊腰斬之

府志

黃若轅妻傅氏臨川人鼎革閒兵至率一子一女同沈

於水藍千秋爲華谿行誌其事府志

國朝

揭河一妻樂氏臨川人順治甲申避兵高坪寇至自躍

於池寇投石碎其顙池水盡赤子奇生妻徐氏甲寅之

亂偕乳孀女傅氏爲騎兵所掠遁出危橋徐密謂傅曰

吾與若得死所矣遂墜水死縣志 難婦女謝志有徐

景行子婦曾氏許晉妻王氏熊立四妻某氏熊軒一妻

徐氏黃徽縣志 妻徐氏黃希倫妻郭氏李士益女長王

揭氏徐氏縣志又有陳廣五妻鄧氏周文甫妻常氏吳

光普妻袁氏王其妻傅氏樂時聲妻王氏傅明垣妻黃

氏繼妻黃氏黃三極妻謝氏鄒廣錫妻某氏吳助國妻

陳氏許藏昇妻左氏邱振翼妻游氏張政五九妻吳氏

吳宏六妻某氏劉國吉妻黃氏王某妻傅氏孔衍

璋妻劉氏花鳳彩女潘姑傅某女徐某妻邱氏

李一鵠妻黃氏崇仁人王得仁之亂被執不辱自持利

刃刺腹而死

縣志 謹案順治康熙間崇仁殉難婦女

縣志 有章元孕妻樂氏曹居龍妻曾氏陳

壽元妻曾氏楊士英妻陳氏黃崇二妻周氏周進二妻  
黃氏周化二妻陳氏黃桓妻鄧氏黃來璿妻周氏吳拔  
妾萬氏吳兆妻孫氏陳榮  
奇妻李氏陳璽妾羅氏

楊迺武女顏玉金谿人順治三年金聲桓王得仁叛率

兵入境執迺武索其女迺武不從被殺迺武妻饒氏幼

子並死顏玉抗節罵賊賊夾置馬上奮擲再墮罵賊益

厲遂遇害聶文麟爲撰楊烈女傳縣志 謹案順治庚

謝志有聶以偕妻桂氏李元善妻聶氏王庭祥妻劉氏

張思理妻吳氏繼理妻吳氏黃天十妻徐氏黃漢章妻

傅氏靜姑及女慧悅縣志有張燦如女徐王張某女復

英周子立妻王氏黃履和女孫唐姑王應蕃妻張氏女

去華桂細龍妾孫氏徐翼龍妻傅氏徐車轍妻薛氏危

念懷妻詹氏蔡通侯妻劉氏周灼九妻危氏湯文煥妻

吳氏名貞媛劉藝先妻曾氏名碧王女芳塾芳學吳之  
錦妻傅氏名珥英郎之鳳母聶氏妻黃氏弟妻周氏妹  
相玉婢新禧王民悅妻邱氏周鳳岐妻饒氏周士觀妻  
張氏周羽先妻胡氏蔡文煥妻何氏張大器妻丁氏張  
茂武妻吳氏李振鼎妻傅氏李敬儀妾吳氏何九鼎妻  
黃氏徐如松妻張氏全子芸妻周氏王永貞妻李氏曾



汝仁妻賴氏名愛姑吳邁妻周氏車餘慶妻熊氏王壽妻周氏余時達妻周氏余汝旭妻黃氏黃昌候妻王氏王尚文妻蔡氏名淑英楊芳妻王氏黃孟升妻饒氏嘉慶間寇亂殉難有何學來女有姑

陳其諤妻王氏字去華金谿人如水女孫年二十二隨

母避亂鹹塘兵將及自投藕池水薄不沒手掘污泥爲

坎深透蓮根始死收葬時十指血染如墨口皆泥塞傳

占衡爲之記榆墩集

蔡槐妻王氏名富英洛城人槐籍金谿王五歲通列女

傳及笄歸蔡會寇大作爲所掠自投於廁使他婦掖出

勸之絕其食脅之皆不可犯歷百二十九日自縊死卒

保其節既卒賊渠旋悔曰烈婦由我死如天道何拜而

葬之縣志

盧學二女宜黃人閩寇掠縣被執不屈支解死縣志謹案順

治康熙開宜黃縣婦女謝志有許濤妻黃氏章潤三妻譚氏及二女吳越妻徐氏縣志有熊表妻吳氏歐陽斗照妻黃氏徐位一妻李氏

董德序妻丁氏樂安人年二十有一夫亡守節丙戌寇

亂舉家不屈死

縣志 謹案順治康熙開樂安殉難婦女謝志有樂清雅妻陳氏妾鄭氏女貴娥婢鳳蘭樂仲止妻武氏李愈謙妻原氏陳本禮妻王氏張美立妻董氏許朝顯妻蔡氏許朝榮妻朱氏許朝盛妻丁氏許爾官妻陳氏詹言遠妻許氏丁陞妻董氏楊誦六妻龔氏李梅實妻何氏龔俊選妻伍氏聶登祿妻陳氏陳應試妻張氏楊鸞十妻郭氏

臨川婦姓氏不詳兵亂為賊所刃死天符廟側時盛夏

海暑衣裳皆數襲縫紉密緻行路哀之縣志

白鏡妻谷氏東鄉人年十九夫亡守節順治三年流寇

入境自刃死

縣志 謹案順治康熙開東鄉殉難婦女謝志有梁充五妻吳氏楊同人妻黎氏縣志有王登妻汪氏楊采章妻樂氏白玉兆妻熊氏

吳鴻詔聘妻陳氏崇仁人鼎銓女未婚鴻詔死女絕食

自盡縣志謹案崇仁殉夫婦女縣志有章學詩妻魏氏吳維嶽妻陳氏陳秉玉妻黃氏吳燕賓妻黃氏

甘思軾妻劉氏陳美麟妻鍾氏繆妻妻游氏陳堂宗妻楊氏黃洪臨妻周氏黃祥妻陳氏

王立儒妻袁氏臨川人年二十餘夫亡堅志守節撫遺

孤奕京成立康熙二十七年建坊旌表謝志

楊烈女名梅姑宜黃人康熙四十一年建坊旌表謝志

吳珍妻黃氏名賢秀崇仁人年二十四從夫徙饒州萬

年縣居無何夫歸崇仁約越月返後踰五月未至黃脫

簪珥買舟挈子覓夫至崇仁而夫已死黃遂絕粒戚屬

勸為宗祧計乃自任撫孤所居門房一間擁彗而臥瓦

器代釜艱苦備嘗後孫立登乙酉鄉薦康熙四十一年

旌謝志

楊公振妻徐氏金谿人年十九守節五十餘年康熙六

十年旌

謝志

鄒文茂妻黃氏宜黃人年十九夫亡苦志守節撫孤成

立歷四十餘年康熙六十年旌

謝志

吳達妻陳氏崇仁人年十有八夫亡茹貧撫孤歷三十

年孤死下撫二孫上事老姑畢生備盡孝慈鄉里致敬

康熙閒土寇未靖肆掠不已獨相戒毋犯節婦之室鄰

人依之率相保全

縣志

劉遠及妻徐氏金谿人年十九夫亡無子母勸他適徐

哀泣引刀割面誓不改志立姪爲嗣守節三十二年雍

正四年旌

謝志

張雲聚妻鄧氏宜黃人年二十餘守志訓子成立同邑

鄒文蔚妻歐陽氏夫亡無子奉翁姑立姪爲後俱雍正

四年旌

謝志

陳嘉詔妻李氏崇仁人年二十夫亡哀毀不食娣姒勸以撫孤乃奉姑守節三十八年又樂安原肇鎬妻樂氏詹來宸妻朱氏詹懋集妻黃氏詹應鵬妻李氏苦節各歷三十餘載皆雍正四年旌

謝志

周立隆妻孫氏周士琰妻陳氏周士瑜妻徐氏孫文朗妻章氏孫文耀妻黃氏俱崇仁人苦志守節雍正六年

旌

謝志

張擴烱妻陳氏樂安人年二十守節又管思錦妻胡氏年二十三夫亡撫孤事姑以孝聞雍正七年旌

謝志

劉正侯妻周氏金谿人年二十七夫客死周聞訃投縊

者再族親勸以撫孤乃食貧茹苦課子有成雍正七年

旌

謝志

陳元良妻游氏崇仁人年二十二夫歿勤紡績孝養孀姑食不給己枵腹彌日旣而子克成立爲進甘肥屏不御惟勛以勤儉無忘兩世孀居而已守節四十三年雍正七年旌

謝志

謝志

陳萬備妻鄒氏崇仁人年二十三而寡性好善值歲大饑以紡績所餘易米施粥鄉里賴之守節三十四年雍正八年旌

謝志

謝志

甘士俊妻方氏崇仁人年二十二撫孤守節四十三年

雍正八年旌

謝志

陳侍二妻吳氏崇仁人年二十四夫亡無子矢節奉孀

姑立繼嗣續夫祀又陳孟泰妻胡氏早寡矢節奉姑撫

遺孤成立俱雍正九年旌

謝志

陳崑妻吳氏崇仁人年二十四夫亡奉舅姑撫孤苦節

五十餘年又艾渭濱妻胡氏年二十二夫亡撫孤守節

並雍正九年旌

謝志

劉亮妻艾氏舉人廷選女臨川人年十六適御史劉達  
子諸生亮歲餘國變舉家避兵亮送母管先行中途被  
掠管投道旁井中死亮被驅至南昌遇害翁聞悲憤數  
日亦死艾喪葬如禮爲夫立後植節靡他後十餘年有  
族子某與亮同時被掠者冒爲亮歸初亮未出痘其人  
痘癰盈頰云擄後始出變易顏色族人俱來相視莫能  
辨其僞艾獨嚴拒不見使婢詰以曩昔閨中數事支離

莫對因此家人縛送縣官窮治遂吐實眾愈欽服年八

十餘卒

李穆堂集

李應第妻黃氏臨川人年二十八而寡植節撫孤孝養舅姑喪葬盡禮皆出十指所辦順治丙戌丁亥連歲大侵米至斗千錢期功親屬鬻田宅殆盡黃令子仙客析己宅居之訓子極嚴仙客後舉丁酉鄉試孫茹閔登進

士黃年七十二卒

謝志

羅璟妻陳氏臨川人璟嘗暮歸遇虎驚仆家人掖之歸暗不能言狂戰數日而死陳出百金招善獵者索之果得虎殺之柩前祭其夫時謂至情所感苦節自守年八

十三卒

謝志

李巨二妻龔氏樂安人年二十四夫亡無子屢絕飲食



家人勸進遂自縊死縣志 謹案樂安殉夫婦女縣志

董嘉裕妻陳氏董康年妻李氏彭立振妻陳氏王作鑑

氏曾起鵬聘妻張氏王昌福聘妻陳氏名青蓮

董孕章妻陳氏董家駒妻唐氏董朝誥妻張氏

周維清妻胡氏金谿人年二十三夫亡撫子輅以守志

初喪有孤燕來巢三年始去邑人馮詠為作孤燕詩紀

其事縣志

羅臨春妻丁氏樂安人幼讀書通文翰年十九夫亡撫

孤孤殞丁賦絕命詞五首從容自縊縣志

鄧朝棟妻鄒氏宜黃人未婚夫亡泣請於父母過鄧守

節夫葬峻嶺攀藤附葛泣走相送肌膚為之迸裂既葬

歸訣父母復哭於夫墓得疾昇歸遂卒縣志 謹案宜黃殉夫婦女縣志

黃承明妻馬氏許汝棡妻鄒氏鄧汝澗妻徐氏羅星聚

妻劉氏涂星南妻劉氏吳立  
三妻歐陽氏上官廉妻邵氏

聶莘野妻姜氏金谿人聶亡長餓七日死葬之日其土

自裂縣志謹案金谿殉夫婦女縣志有劉捷生聘妻戴氏名雪娥樂來珍妻李氏傅達士妻張氏胡其

敬妻苗氏胡天昇妻余氏李舉妻熊氏張東莫妻吳氏胡虞若妻周

氏胡茂功妻余氏李舉妻熊氏張東莫妻吳氏胡虞若妻周

妻蔡氏曾旺妻余氏車松林妻胡氏危步光妻江氏許

履元妻王氏王守清妻熊氏洪某妻徐氏李承澤妻徐

氏王平章妻許氏楊士恆妻車氏傅書庭妻王氏蘇球

妻徐氏龔任采妻周氏周作楫妻王氏曾簡中妻劉氏

金喜福妻杜氏鄒鶴梧妻徐氏曾純秀妻李氏

華祝封妻彭氏曾省若妻楊氏周文顯妻陳氏

邠宇標妻熊氏臨川人年十七歸宇標從師遠遊暮年  
而死喪歸熊一慟而絕縣志謹案臨川殉夫婦女縣志有邠濱妻徐氏李宗拜妻萬氏

何公喜聘妻許氏朱鵬千妻葉氏汪金屏妻管氏徐學

海妻湯氏熊宛修妻傅氏鄭培基妻趙氏易觀成妻李

氏喻某妻曾氏劉秉征妻游氏喻舟楫妻曾氏廖世斌

妻李氏邵垂蔭妻汪氏傅寅亮妻徐氏晁嵩齡妻鄉氏

聶黃生聘妻饒氏黃寅恭聘妻陳氏

吳觀海妻傅氏黃有恭聘妻甘氏

易氏女名諒秀臨川人適同里袁經龍姑張氏素無行  
易弗能從也姑遂與所私者袁威遠謀而殺之有司窮  
治其事未竟威遠斃獄中遂不得上縣志

魏星友妻饒氏臨川人爲强暴所侵義不受辱與姑同  
縊死乾隆十七年旌同邑鄒成祖妻車氏遭謗憤自溺

死乾隆三十九年旌縣志

黃亦宮妻劉氏金谿人年十有七夫亡割耳誓節乾隆  
四十四年旌同里陳九思妻劉氏夫亡毀容守節縣志

周廷燄未婚妻李氏名枳玉金谿人廷燄亡父惺凡議  
嫁殤非禮女曰兒承父命字周大義已定豈能更事他  
人父不能奪告於周姓具禮奉迓廟見如禮周故家貧  
紡績養姑終身館山蔣士銓爲李貞女詩嘉慶十三年

旌縣志

車學清聘妻鄭氏名待玉臨川人學清籍金谿未婚賈於滇音問斷絕傳言已死於是車母反婚詞於鄭女聞誓守不從聞車母病且亟告於父母往視之家無宿春不以爲怨盡質釵珥供姑藥物姑歿售破屋營葬既畢而後返於鄭依母食貧操作自給車故金谿大族感鄭氏義謀於眾贖金贖屋遣輿迎鄭車族肅衣冠於祖祠使行廟見擇立嗣子給田畝鄭年百歲而終嘉慶間旌

金谿縣志

詹爾遇妻龔氏東鄉人年二十八夫亡誓殉以姑阻而止訓諸子嚴嘗言汝曹廢讀弗繼家聲死無以對九泉後子琪芬成進士

縣志

陳義性聘妻章氏四川人義性籍宜黃兄義慄故贅於章義性復聘其女弟婚有期矣義性暴卒女聞請歸陳姓守節父母難之引刀毀容義慄乃迎之扶弟柩歸同邑謝階樹爲之傳

縣志

周持壁妻王氏金谿人持壁武舉王年二十三而寡立從子次循爲後數年次循亡其子亦夭乃立從孫怡昆無何怡昆又亡王曰我所以爲周氏計者亦至矣天之不弔於人何尤一慟而卒

縣志

黃勝先妻官氏金谿人夫亡數月生子官自命其名曰守得蓋以微寓其志守得未冠死復立從子爲嗣再娶婦而嗣子死嗣子繼妻生子姑婦煢煢共撫弱孤節操

並垂里黨

縣志

洪某妻徐氏金谿農家女夫兄與姑有盜行徐至未逾月覺而大懼自鬻釵珥勸夫遠出行賈以避禍患居恆事姑輒效幾諫姑不能聽乃自經死

縣志

周青來妻胡氏東鄉人年二十夫亡越三日自經死

縣志

謹案東鄉殉夫婦女縣志有周恩祖妻金氏熊來珍妻李氏吳傑廷妻周氏夏暉堂妻王氏王錦京妻李氏樂來珍妻李氏饒言則妻王氏

鄒隆興妻曾氏宜黃人歸省父母途遇鄒族之無良者偪之力拒得免歸而憤甚越夕而卒同里鄒人蒼撰墓

表

縣志

王大毛妻夏氏子婦徐氏東鄉人夏年二十夫亡守節子長娶婦而素行不肖夏誠不聽徐規之輒遭鞭撻蕩產而游產盡而死夏謂平生苦節遭遇不肖復何所言

子婦方中年夫婦恩絕聽其所之無復相強然徐事姑益孝謹貧乏終身不移素志其兄副榜貢生斗山白其行於有司爲請旌焉

縣志

陳淑潘妻王氏臨川人年十八夫溺水死遺孤二歲王於夫溺所立石以志後子年長翁老且死就立石所投水而死

縣志

李琨妻廖氏臨川人年十八夫亡無子傭十指以養其姑三年姑亡葬夫畢不食死

縣志

王某聘妻吳氏東鄉人未婚夫亡請於父母歸王守節九年足不踰閩無疾而死吳嵩梁爲之傳

縣志

吳濱妻熊氏宜黃人年二十夫亡事舅姑孝謹無何舅姑歿與夫柩並存一室鄰舍驟火勢將及熊撫棺哀慟

火及室廬而熄

縣志

陳啟遂妻楊氏崇仁人年二十五夫亡矢志不嫁貧無可居翦髮託之尼舍撫孤子成立人哀其志

縣志

江金姑金谿人江曉山妻朱氏婢年十一媵於江不數年江與婦朱氏相繼亡遺孤尙幼金姑矢不嫁爲江撫孤孤長授室未有子而亡告於宗老立從子爲後輔孤婦以守節效力三世江氏無少長皆敬之

縣志

吳光斗妻黃氏宜黃人道光閒隨光斗泊舟吳鎮光斗登岸舟人欲犯之黃驟起自沈於水

縣志

陳吉麟妻周氏臨川人咸豐閒粵賊入境周攜女仙英走銅嶺賊追及之加劒於頸脅之不可賊殺仙英周愈怒批賊頰賊殺之尸忽自提其頭起立羣賊驚走

縣志



劉景陽妻徐氏臨川人咸豐閒粵賊竄境掠景陽去徐

懷幼女自投於坡上橋溺死縣志謹案臨川婦女殉

遷妻胡氏朱發祥妻陳氏江國坡妻楊氏徐學蕃妻何

氏章易修妻梁氏章道進妻蔡氏章道珍妻劉氏喻照

謨妻唐氏喻徑三妻劉氏杜琴臺妻萬氏梁羅輝妻雷

氏徐泰和妻王氏黃增譜妻劉氏黃某妻謝氏車奏輝

妻章氏高福來妻馮氏趙哲堂妻艾氏黃某妻李氏蕭

尹躬妻萬氏張桂新妻柳氏危安丞妻張氏張連時妻

郭氏王圖書妻游氏廖陽春妻王氏王文魁母傅氏妻

陳氏兄妻許氏游玉田母某氏妻邱氏李燦堂妻馮氏

李孔堂妻游氏黃駢升妻李氏王洪恩妻徐氏妹某徐

某妻鄭氏姦某氏女甥某氏張金銘妻王氏蕭碧輝妻

何氏李永俚妻游氏黃題廷妻丁氏王廷松妻陳氏徐

心田祖母舒氏母曾氏王逢恩妻徐氏蕭青山妻王氏

姦徐氏高春俚母徐氏妻馮氏許長庚妻鄭氏黃建川

妻周氏及二女王敷輝妻楊氏王澤輝妻趙氏王月輝

妻饒氏陳律和妻花氏胡某女美玉龍某女柳秀王福

喜聘妻鄭氏名全秀傅登雲女國珠邵恆貴女妹秀傅

聘妻鄭氏名全秀傅登雲女國珠邵恆貴女妹秀傅

鵬子婦危氏名雲娥黃聯陞女善娥黃某妻邱氏名壽

玉鄧太末聘妻周氏范細元聘妻饒氏名美蓉饒定綬

妻吳氏名福仙周含芳妻某氏黃永齡女許五生女

王發祥聘妻吳氏名荷花金谿人咸豐閒遇賊蒲塘自

躍入溷死女嫺吟詠好讀書未婚殉難時年十七

縣志

案金谿婦女殉粵賊之難者縣志有蔡興祖女大仗蘇

紹賢女王英劉柏高女碧英周心愛姊舜嬌黃希谷女

菊英李餘元聘妻吳氏周垂紳女碧蓮王雲達女仙桃

徐朝聘女孫理玉張達三女紅梅簪玉聶敏中女荷花

蘇梅孫女鳳儀謝泰聘妻胡氏陳星門女蓉珠吳敏修

女銀壽江我思女鳳儀黃春魁女丁香江爾才女某姑

蔡旭堂妻熊氏蘇韶振妻傅氏蘇檢生妻林氏戴繼甫

妻江氏蔡匹堂妻周氏王滿齡妻周氏戴蘭國妻蘇氏

戴銘祥妻蘇氏王官禱妻蔡氏王慶恩妻鄧氏蔡借初

妻洪氏王晉升妻荀氏蔡桂林妻洪氏陳汝衡妻張氏

戴杰繼妻吳氏周欽五妻吳氏劉金廷妻王昌宇妻傅氏

黃紹經妻劉氏周欽五妻吳氏劉金廷妻王昌宇妻傅氏

周鎮斗妻余氏周寅妻張氏某妻洪氏女瑪玉允玉張

奏安妻周氏李繼謨子婦周氏某妻洪氏女瑪玉允玉張

妻王氏徐某妻陳氏胡瑞昭妻詹氏徐文士妻何氏徐

學耕妻李氏劉恩生妻何氏徐長松妻黃氏王禮怡妻

余氏鄒緒梧妻吳氏徐順助母余氏李志謙妻周氏胡

國華妻李氏胡吉華妻王氏胡卿雲妻詹氏謝成之妻

張氏徐肅成妻張氏謝兆蓉妻王氏謝洪妻黃氏胡薦

楊妻曾氏王墨卿妻徐氏李文英妻邱氏周韻甫妻楊

氏王敬賢妻鄭氏傅步成妻王氏李樹培妻王氏李觀  
海妻曾氏周欽華妻徐氏艾友榮妻曾氏傅裕華妻周  
氏周國輝妻李氏黃平瑞妻周氏周崇德妻李氏張永  
華妻黎氏周文元妻曾氏唐策成妻車氏馮映輝妻吳  
氏楊佑良妻車氏熊鳳保妻傅氏張秋喜妻余氏李會生妻余  
蘭妻張氏李兆平妻徐氏廷妻彭氏李二毛妻饒氏徐和  
氏李獅子妻余氏余光廷妻彭氏李二毛妻饒氏徐和  
春妻夏氏曾和濟妻周氏王紹禽妻李氏徐拜賜子婦  
某氏徐繼生妻王珍妻吳氏吳盈思妻謝氏徐錦瑞妻  
佑保妻謝氏余席珍妻吳氏吳盈思妻謝氏徐錦瑞妻  
王氏楊新發妻傅氏王芬祖妻余氏車梅魁妻王錦瑞妻  
驂麟妻李氏傅方義妻周氏黃春魁妻朱氏丁香胡  
業恆妻黃氏黃沐生妻戴氏僕婦黃徐氏許燦廷妻吳  
氏吳榮桂妻陳氏吳珍球妻徐氏吳初妻林氏吳慶  
雲妻唐氏傅思誠妻陳氏鄭寒俚妻饒氏丁啟發妻饒  
氏傅克金妻王氏姜夢茗妻胡氏吳拱章妻周氏黃建  
勲妻徐氏胡書傳妻蘇氏傅洛書妻王氏胡錦順妻李  
氏傅爲霖妻詹氏黃永清妻王氏子婦陳氏鄭其祥妻  
王氏鄭紹英妻黃氏鄭映葵妻周氏子婦陳氏鄭其祥妻  
曾俚妻張氏米梅增妻張氏鄭遠笏妻姜氏女仙娥妻  
九傳妻童氏徐實夫妻許氏周丹成妻于氏張恬熙妻  
陶氏彭岐魯妻倪氏彭英謨妻鄭氏龔奏中妻彭氏彭  
沛川妻楊氏黃福保妻傅氏王廷棟妻王文海妻姜氏王邦彥妻  
鄧氏王立山妻劉氏王廷棟妻王文海妻姜氏王邦彥妻

氏王昱妻傅氏王夢蘭妻張氏王梅魁妻黃氏王藝苑  
 妻米氏王茂堂妻饒氏女三仗蔡壽春妻王氏詹常珍  
 妻周氏汪芹二妻雷氏蔡映官妻彭氏蔡旌錫妻吳氏  
 蔡如葵妻王氏汪元賓妻江氏汪純圃妻姜氏汪欽錫  
 妻許氏蔡驥毓妻王氏黃策安妻章氏朱縑紱妻黃氏  
 朱守謨妻黃氏子金詔妻許氏饒科壽妻何氏黃雲章  
 妻詹氏饒仁瑞妻米氏楊允中妻李氏洪仰謨妻胡氏  
 蘇福招妻李氏鄭振興妻傅氏楊自興妻毛氏何百祥  
 妻楊氏李運復妾王氏洪華堂妻李氏薛克勤妻徐氏  
 劉奉三妻張氏妾丁氏劉意喜妻鄧氏薛益盛妻周氏  
 名培秀徐恩榮妻蕭氏吳禮敬妻徐氏周壽桃妻楊氏  
 陳金星妻王氏黃如鞠妻洪氏鄧欽士妻陳氏李立本  
 妻某氏及女鄭志仁妻蘇氏張特英妻陳氏蔡仙羣妻  
 江氏蔡裕昆妻楊氏朱如璋妻戴氏朱旋英妻蘇氏朱  
 繼祖妻鄧氏江倚清妻陳氏子癡章妻蔡氏江鑫斯妻  
 鄧氏上官寶甫妻江氏江及孫母朱氏子婦蔣氏孫婦  
 周氏江祥林妻蔣氏江存仁妻周  
 氏吳化清妻鄧氏曾維樂妻左氏

詹福壽聘妻朱氏崇仁八年十四未婚賊至偈之詈罵

不辱取石擊賊遂被害

縣志

歐陽迎貞妻鄧氏崇仁人年二十七夫亡守節七十三

年同治閒亂作鄧年九十有九避兵太浮山賊至被害  
子維元痛母之死也奮力擊賊不敵死妻曹氏持挺出

佐亦死於陣忠孝節烈萃於一門人相嗟嘆府志案崇仁婦

女殉粵賊之難者縣志有謝昌接妻林氏劉元折妻周  
氏陳永貞妻劉氏楊洪勳妻黃氏楊鵬旺妻胡氏袁際

一妻張氏劉裕隆妻陳氏黃鳳梧妻余氏吳其英妻和  
氏孫枝蕃妻陳氏章鼎忠妻李氏謝隆文妻穆氏許辰

修妻羅氏黃士偉妻周氏陳昌寶妻黃氏謝彝尊妻李  
氏謝孝蘭妻熊氏鄒某妻黃氏黃繼祖妻余氏袁道凝

妻陳氏黃光明妻陳氏唐某妻楊氏黃緝熙妻李氏陳書紳  
妻章氏黃履亨妻王氏妾某氏黃緝熙妻李氏陳書紳

妻楊氏張某妻楊氏章加與妻蔡氏汪標妻饒氏王朝聖  
赤金劉某妻鄒氏章加與妻蔡氏汪標妻饒氏王朝聖

妻許氏王維周妻章氏魏奪英妻黃氏周仙保妻陳氏  
黃雲成妻陳氏羅吉祥聘妻陳春英陳謙和妻羅氏劉

之晉妻陳氏陳僕妻何氏黃致元聘妻陳氏楊履亨妻  
陳氏陳嘉榮妻黃氏劉元炳妻楊氏陳嘉穀妻黃氏周

桂平妻楊氏周翰音妻吳氏艾太隆妻曹氏艾節文妻  
周氏艾講椿妻程氏艾植祥妻楊氏陳立傳妻謝氏陳

後梓妻黃氏陳其揚妻唐氏陳王三妻方氏李正發妻  
張氏黃麟妻方氏楊士宏女啟麟劉宗壽妻曹氏曹漢

譚妻黃氏章如意妻吳氏林英儔妻黃氏袁恭容妻黃氏甘長壽母李氏妾胡氏女菊秀甘思齊妻王氏甘思誠妻陳氏陳學途妻謝氏孫錄與子婦周氏孫婦周氏女孫綠攸劉隆來妻周氏方兆光母楊氏喻大攸妻陳氏廖厚廣妻陳氏王颺輝妻曾氏李生發妻余氏許百福妻陳氏王及淵妻曾氏李桂齡妻羅氏汪士榮妻黃氏李某某妻余氏詹家和妻袁氏

鄒法先女名仙桂宜黃人咸豐間遇賊邑之西涇憤罵

不休賊生理之時年十歲

府志

鄧淑甫妻李氏宜黃人年二十三夫亡守節咸豐八年

鄉兵敗於孤嶺被執不從遇害

府志 謹案宜黃婦女殉粵賊之難者縣志有

黃彬成妻徐氏譚勝才妻許氏黃貴南妻張氏歐陽鼎

調女珥珠程培滋女貞妹熊兆麟妾吳氏歐陽從義妾崔氏黃道昇妻席氏歐陽為萼妻鄒氏熊太元妻葉氏

鄒某妻李氏鄭九成妻鄧氏黃秩沅妻陳氏曾日顯妻吳氏鄭福壽妻劉氏女玉英李二妻袁氏黃章明妻鄭

氏張壽春妻黃氏劉某妻涂氏黃傳耕妻許氏羅壽龍妻胥氏劉某妻涂氏及女劉金蘭妻張氏董某妻周氏

余細杏妻唐氏余奇中妻張氏余日輝妻鍾氏余鳳章



嬌應誠孚妻黃氏吳欽學妻應氏劉良才妻陳氏吳三  
 攸妻陳氏應敬守妻洪氏洪元興妻鄒氏應連春妻吳  
 氏應康三妻廖氏應嘉謨妻羅氏應慎之妻鄒氏黃仁  
 壽妻廖氏吳崇模妻陳氏曾仁桂妻羅氏應星華妻黃  
 氏應清華妻何氏應星四妻張氏應錫康妻桂氏應念  
 夷妻吳氏應奎妾洪氏女瓊英汪春貴妻白氏應雲騰  
 妻徐氏白旭奎妻王氏歐陽連茹妻應氏承妻席氏應汶  
 氏鄒雲和妻管氏應宗賢妻周氏應欽承妻席氏應汶  
 三妻廖氏應文寶妻吳氏吳善良妻江氏伍先玉妻徐  
 氏李名芳妻應氏汪養源妻白氏危敦本妻劉氏應敬  
 存妻洪氏應念茲妻桂氏黃貴壽妻李氏周益七二妻  
 洪氏周顯茂妻徐氏周燕詒妻熊氏鄒夢麒妻陳氏陳  
 國賓妻徐氏周庭妻謝氏廖不尙妻徐氏唐榮邦妻唐  
 李氏唐貴保妻鄒氏唐加福妻李氏熊求理妻吳氏唐  
 雲川妻鄧氏鄧德源妻萬氏鄭發興妻鄧氏梅祥青妻  
 羅氏鄒昌林妻艾氏鄒煥章妻洪氏鄒能遠妻余氏鄒  
 本興妻謝氏黃興萬妻余宗興妻鄒氏鄒昌烈妻余  
 黃氏梅元容妻鄒氏鄒長慶妻吳氏鄒長慶妻吳氏余  
 貴盛妻黃氏鄒會文妻杜氏鄒景堦妻余氏鄒昌藻妻  
 陳氏鄒北涯妾趙氏鄒筆先妻曾氏鄒玉堂妻熊氏鄒  
 五修妻過氏黃尙玉妻李氏曾繼盛妻某氏甯先春妻  
 李氏章景芳妻曾氏張國仁妻楊氏徐階臣妻袁氏江  
 輝騰妻曾氏桂介夫妻  
 曾氏李盛北妻蕭氏



何文煥妻陳氏樂安人少寡矢節咸豐閒罵賊遭焚死

府志 謹案樂安婦女殉粵賊之難者縣志有何善銘

妻游氏何武生妻夏氏元秉祺妻黃氏元秉禧妻黃氏

元呈圖妻何氏元呈善妻何氏詹邦禮妻陳氏子述祖

妻樂氏黃仕魁妻詹氏鄒友先妻蕭氏鄧國香妻管氏

妻母康氏袁樹華妻陳氏楊宗保妻李氏游觀德妻蔣

氏游觀之妻蔣氏周明七妻黃氏鄒文貴妻黃氏王瑛

妻黃氏王政宏妻張氏丁乘龍妻曾氏董景賢妻丁氏

饒翁生妻元氏元遇偉妻何氏董光龍妻袁氏其某妻

黃氏名湖英元氏二女愛冬愛春

王廷槐女寶珠黃瘦生妻元氏

張貫錢女孫蓮香東鄉人咸豐閒貫錢罵賊死女年十

五志甚拾石擊賊賊忿逐女女投池水死府志 東鄉婦女殉案

粵賊之難者縣志有胡業恆妻黃氏黃春魁妻朱氏李

高元妻黃氏謝泰聘妻胡氏名雲仙洪賢黃聘妻陳氏

吳楚秀聘妻黃氏洪財喜妻周氏王召南妻張氏李橋

妻樂氏饒文華妻曾氏王星堂妻李氏璩益承子婦李

氏王文星妻李氏女貞鸞王寅畏妻李氏王松林妻周

氏王時若妻余氏李天助妻徐氏陳景運妻徐氏涂垂

芳妻方氏涂洪標妻金氏黃金廷妻張氏戴炳堃妻魏

氏王廷槐女寶珠黃瘦生妻元氏

達妻徐氏鄧某妻陳氏萬某妻劉氏張育喜妻楊氏何  
進俚妻陳氏張燦文妻詹氏姜貴成母艾氏周興泰妻  
程氏張靖川妻徐氏王升耀妻林氏何易勝妻王氏楊  
延旭子婦宋氏樂標元妻于氏王榮緒妻趙氏楊采章  
妻樂氏周光  
斗女菜花

列女七 建昌府

宋

謝泌妻侯氏南豐人家貧事姑孝謹盜至侯因姑病篤  
不能避偏之不從刃之仆溝中賊退復甦見一篋發之  
皆金珠族婦以爲己物侯悉歸之婦以其一謝之不受  
後泌亡子幼父母欲嫁之侯曰兒幸得歸隱居賢者之  
門忍去而使謝氏無後乎甯貧以養子

宋史

樂氏二女南豐人父以鬻果爲業紹定二年盜入境其  
父置舟挈家走建昌盜掠其舟將偏二女俱不從一赴

水死一見殺宋史

曹氏南豐人生於紹興至淳祐百有二歲有四子邑令黃核孫舉敬老禮輿至縣庭親酌之贈以金帛包恢趙崇嶠皆賦詩紀其事謝志

元

曾闔妻李氏宜黃人曾籍南豐夫死守節治家勤儉翁八十餘養無違禮至正壬午葫蘆峒寇猝至翁遇害李奔窖中賊伺知之擲服飾甘言引之出李大罵曰汝賊也吾豈從汝吾翁已死何以生爲以手束髮受刃而死

祀節婦祠謝志

曾氏女名粉娘南豐人塔卿女年十八值紅巾之亂賊掠之去迫至吳家坊橋粉娘竟不過賊掠之上馬卽仆

地大罵曰我良家子豈從汝賊怒礮死之祀節婦祠

書

揭貞女廣昌人幼年失父母至元丁丑之亂同兄嫂避山中愴惶相失女獨抱兄子鼠身荆棘中兒唬爲邏卒所執罵聲不輟遂受刃而死寇退嫂於死所得之色如生執兄子猶未棄也揭伯相詩姑頭已斷兒頭破姑手猶扶恐兒墮兒生姑死實堪憐旁人爲說猶煩冤

豫章書

明

甯顏孫妻危氏南豐人稟性貞潔年二十七夫亡誓不再適翁姑旣老子復幼危勤紡績以資養翁姑歿營葬

盡禮守節四十四年而卒洪武二十四年旌表

謝志

易太妻程氏南城人幼貞淑及嫁克盡婦道未幾太疾

革乃晨昏籲天求以身代既歿欲殉葬親戚以子幼勸止事織紵給衣食洪武二十五年旌門謝志

謝勝華妻朱氏南豐人年二十六夫亡子幼家貧躬織紵以養老姑壬辰兵亂歷艱危不變姑歿哀甚遂喪明

洪武二十五年旌正統三年祀節婦祠謝志

李紳妻戴氏南豐人洪武初收散卒紳兄惇已死部上其籍懼於伍者憾無所泄而貽禍於紳繫京獄戴憤激赴京擊登聞鼓訴冤得釋紳道死戴扶櫬歸葬保孤勵

節卒年六十九有司爲建貞節堂謝志

羅塢妻胡氏南豐人塢之官南充陸路先行胡舟至野豬岸石隘灘險舟竟覆胡抱楫浮沈將及岸舟人以手援輒引去遂死焉越二旬夫至溺所祭之屍出自舟旁

容體不變朱紘爲撰墓表祀節婦祠

謝志

曾子慶妻唐氏南豐人年十九歸曾甫二年夫卒無子

舅姑已歿父母勸之他適唐誓死守節祀節婦祠

謝志

艾璋妻吳氏南城人夫亡哭其夫墓爲之裂知府吳潤

有詩謝士元爲節婦記

謝志

鄭道常妻藍氏南城人歸鄭甫三載道常客死南海櫬

歸藍號泣欲自殉盡力營葬矢志不二以終檢討嚴素

志其墓

謝志

涂欽妻黃氏新城人欽登洪武進士任乳源丞覆舟死

黃聞訃哀毀骨立誓不再適教子順登進士官至禮部

主事

明一統志

張孺文妻劉氏南城人年二十六夫卒如戚憐其子幼

家貧勸改適劉以死誓朝夕號泣喪明守節三十餘年

正統三年旌

明一統志

陳希

一作溫

妻劉氏廣昌人年二十五夫亡甘貧守志矢

不再適有司以其志行卓異事聞旌表

明一統志

傅志華妻譚氏南豐人年十九歸傅閱九月而夫死居喪守節事舅姑益謹父娶繼母悍戾譖逐諸子譚因歸諫憾之謀奪其志密受聘鄉人戚姓者而譚不覺一日誘之歸見戚備妝具請期哭謂父曰夫死肉未寒何忍爲禽獸之行亟潛匿樓之複壁中累日不進水漿而死

明書

馮紹綱妻盧氏南豐人年二十而寡矢志守節姑將嫁之盧趨夫墳所縊死桑樹下

謝志

鄒宣讓妻張氏南豐人年二十二夫亡哀慟治殮舉自

縊死

謝志

吳世昌妻劉氏廣昌人年十九適吳生二子俱亡世昌病二年不起劉侍湯藥不離左右世昌卒劉拔髮納於棺誓不改適卒踐其言景泰三年旌門

明一統志

何本容妻聶氏廣昌人年十六適何生子三女一本容病連月不起聶調藥剖股救治極力迨卒伏尸以哭聞

悲哀景泰間旌

明一統志

許元亨妻鄧氏新城人生二子夫亡守節景泰間避寇於麻陽塘砦出所藏金募壯士解圍鄉人德之鄧死留

葬其地

府志

劉敏妻揭氏廣昌人年十六歸劉閱七月敏疾革屬揭



改適揭號泣曰脫有不幸當相從於地下但念公姑垂老妾誓死無他敏卒舅亦亡夫之戚黃文顯規鬻產之利百計窘之圖改其操揭忿罵欲自經操執益勵縣令江浩上其事奉詔旌表卒年七十六

謝志

高宏妻揭氏廣昌人宏以較藝卒建昌家僮歸其喪揭迎於邑之東門外哭拜畢遂自肩輿櫬若男子素愿者然既殯朝夕哀哭屢絕而甦越月餘以鎖鑰納兒袖中誘之出戶遂自縊死旌表

明書

何有鄰妻符氏南城人幼習女戒諸書未嘗輕踰戶外父尙全擇壻得有鄰未二期有鄰卒舉遺腹子清符時年十九孝養舅姑訓飭其子凜然無霽容守節三十四

年

謝志

江仕崇妻李氏南城人年二十五夫亡誓不再適孝養

翁姑舉動無違禮守節四十四年成化元年旌

明書

何燮妻涂氏新城人燮登賢書早卒涂守節撫孤子屋

後登進士

謝志

黃繪妻饒氏南城人事繼姑能孝鄰族饋遺非姑命不敢授受年二十七夫亡遺孤僅六月尋殤有富家聞其

賢欲娶之饒斷髮以誓

謝志

劉文英妻黃氏南城人年二十夫亡撫孤歷三十餘年

旌表

謝志

李用和妻黃氏新城人年二十六夫亡守節撫孤歷五十年邑人鄧康名其堂曰貞白何屋記之又潘用吉妻黃氏年二十三夫死矢心守節有司上其事於禮部卒

年六十八何屋撰貞節堂記

謝志

姜妥妻賴氏廣昌人年十六歸姜越二年妥得疾度不起顧謂賴勉事後人賴泣曰君若不起卽相從地下妥卒七日賴自縊以殉

謝志

揭瑣妻黃氏廣昌人年十六適揭月餘而夫亡守節不渝尙書何文淵詩有從茲不施脂粉容祇與寒梅守清

潔之句

謝志謹案縣志揭黃氏傳附載瑣子德妻楊氏年二十二守節

何永孚妻李氏廣昌人年十六夫亡哭之盡哀姑病朝夕祝告請以身代既歿哭曰吾所以不死者姑在也姑既逝吾何生爲哀慟嘔血不匝月而死

明書

揭文誠妻何氏廣昌人年二十一夫亡子殤哀毀茹苦歷二十年如一日又王彥冠妻黃氏早寡守節立嗣子

沼以續夫祀年七十卒

謝志

邱宏妻儲氏南豐人正德閒流寇猝至宏臥病度不能免自投於池儲率其衣隨之溺死祀節婦祠

謝志

黃華妻李氏廣昌人正德辛未流寇破縣李出亡於牛鼻嘴賊執欲辱之罵曰我儒家婦不幸被汝執欲殺卽殺豈從汝邪復持其子劫之李亦不顧仆地求死賊遂刃之邑令梁榮作哀詞遣祭於其墳

豫章書

謹案謝志別有黃鵲妻李

氏廣昌人正德閒死難縣志則所載事實卽謝志之黃華妻疑卽一人附注於此

李氏女名貴姑南豐人惟廣長女幼讀小學孝經能通大義正德辛未賊至奮罵不從被磔死祀節婦祠

謝志

文欽二妻羅氏南城人年二十七夫亡哀慟不食九日而死

謝志

劉瀉妻周氏南城人年十七夫亡矢志守節其母私爲改聘周聞之自縊死

謝志

李樂妻曾氏南豐人正德中爲賊所掠厲罵不從投崖死賊追殺之雙目炯炯不瞑賊去樂撫而哭曰若得死所矣乃瞑程燦爲傳祀節婦祠

謝志

胡氏三節婦南豐人泰妻趙氏蔡妻符氏正德中賊起奉其姑陳氏避於雞公坪及遇賊趙罵賊被殺符於管家橋投水死其庶姑齊氏亦相繼奔溺賊追刃之祀節

婦祠

謝志

吳詠妻胡氏南豐人與姑同被賊掠佯爲願從者請免其姑與子賊信之至中路投絕澗賊追刺之同邑吳麟瑞妻李氏與子絲同被賊掠紿賊釋絲自投坑口湖賊

殺之俱祀節婦祠謝志

胡進

一作文進

妻邱氏江秉德妻黃氏吳璧妻鍾氏俱南豐

人爲賊所掠不從被殺祀節婦祠謝志

謝尙顯妻李氏南豐人年十八與姑陳同避山中賊獲之驅而前李時一子在抱至亂石嶺遇鄉人盛鸞遂以子付之行至石池婦姑相攜投水賊怒追殺之祀節婦

祠謝志

鄒白

縣志作白

妻吳氏南豐人正德九年賊至抱子走二都

以子付所親屬其遠去赴池死賊退家人收其屍得首飾文書如故縣令旌異之謝志

李滔妻黃氏南城人年十九夫亡守節夫之弟幼孤育

於他姓黃盡力贖歸以存先祀卒年八十餘謝志

魏寵妻何氏廣昌人年二十五夫亡守節正德閒流寇  
猝至家人各奔竄何攜幼子走母家遇賊掠之行義不  
受汙大慟賊奪子而刃之何投水死明旦見其屍若生

謝志

李邦植妻幸氏廣昌人邦植寢疾幸朝夕侍藥至廢寢  
食邦植疾革與兄邦樞訣曰吾已矣恨無血屬少婦何  
託欲爲哭不能聲幸號泣曰萬一不諱同死地下邦植  
卒幸觸棺號慟乘閒自縊死御史唐龍爲文祭之

謝志

吳瑀妻黃氏廣昌人幼習孝經小學工書札年十七歸  
瑀越二年瑀卒刺血寫書焚柩前冀相從於地下飲毒  
自縊爲家人解之自是不出閫不就榻非祭餘不食隆  
冬盛寒必席地而哭或以石擊膺嘔血故啜冷水以求

亟死至絕時猶不忍易素衣連呼夫者三里人共哀之

謝志

黃佐妻李氏廣昌人既歸黃孝事舅姑佐遭疾李侍湯藥禱神刲股佐卒哀毀瀕死越二旬自經於寢

謝志

劉祥妻黃氏廣昌人幼讀小學嫁時年十八祥家貧業染自給黃紡績供養老姑半年祥暴疾卒黃事姑益謹里儇聶思勝慕其色乃私賄其父母姑亦受其聘黃度不免佯許之及夜具衣笄赴水死質明得屍衣帶有字曰甯爲劉家鬼不爲聶姓妻其貞烈如此

謝志

孔某女名節新城人嘉靖閒閩寇至女自扼吭死時年

十六

府志

割藕若婦南豐人嘉靖閒流寇破若婦投崖死又曾宗



理繼妻黃氏被執不從罵賊遇害聶廷星妻江氏被執

躍入池死

府志

李氏女南城人長名銀英次名玉英嘉靖辛酉避寇巖

中見他婦爲賊所掠並赴塘水而死

府志

吳氏女名友弟南豐人年十五避寇荷石砦砦將危投

崖死同時吳宗澄妻傅氏亦投崖死並祀節婦祠

府志

李伯誠妻朱氏新城人伯誠卒撫孤守節歷五十餘年

府志

孫瑞一妻李氏瀘溪人年十七夫歿守節撫孤歷六十

餘年洪範爲作墓誌同里傅銓妻蕭氏年二十撫孤守

節歷五十餘年南城縣令曹遠表其門曰慈節

府志

李華妻胡氏南城人華商於外姑惡之痛笞而倡之嫁

不從卒殺之巡按上其事賜旌哀烈立廟祀之

府志

黎濬妻胡氏南城人年二十二夫亡守節歷六十年郎

中程燿撰柏操記

府志

熊獻吉妻王氏南城人夫亡自縊以殉事聞建坊旌表

府志

賴公繚

一作繚

妻黃氏廣昌人夫亡自縊時年二十

府志

胡源妻上官氏南城人納采後源家貧甚母欲罷婚女  
堅守不移比歸敬執婦道嘗刲股療姑病有司表其貞

孝

府志

曾寅妻葉氏南城人年二十六夫亡撫前室之子守節  
時有求婚者葉自刺左目以見志卒年八十七嘉靖閒

督學王宗沐旌曰慈節

府志

張梓妻王氏南城人年十八而寡撫遺腹子守節子娶

徐氏復天姑婦同以節終王年六十七卒

府志

劉朴妻胡氏南豐人年十七歸劉僅一月而朴卒甘貧

守節歷五十年又譚愈量妻鄧氏年十九而寡立嗣以

守或諷其難鄧斷一指以見志卒成完節

府志

程昊妻楊氏新城人早寡無子守節歷三十七年同邑

胡仲鏞母裘氏李氏李孝德妻張氏江淪妻黃氏俱以

節聞撫孤成立

府志

鄧塤母徐氏妻王氏新城人徐年二十三而寡守節撫

孤塤長娶王氏嘉靖間閩賊至姑婦俱被掠罵賊而死

縣立雙節祠旌之

府志

劉喬楠妻陳氏新城人夫病刲股以療及歿哀毀以節

終府志

黃寵妻賴氏廣昌人年十六夫亡守節奉姑嘗采蔬山圃爲虎所攫旋釋之而去得無恙人以爲貞孝所格云

府志

李子玉妻姜氏廣昌人早寡守節撫孤昇舉明經姜年九十餘同邑何銅妻黃氏王彥哲妻何氏李鐸妻黃氏俱以節壽終

府志

何廣仁妻傅氏廣昌人年二十五而寡撫遺腹子宏道及長娶高氏年二十一宏道卒高撫遺腹子松壽松壽娶幸氏亦早卒幸撫孤子守節人稱三世貞嫠

府志

傅欒妻趙氏瀘溪人年二十夫亡守節父母欲奪之趙誓死不渝年六十一卒張蓉爲之傳

府志

曾容端妻上官氏南豐人年二十一孀居無子事舅姑  
孝敬嘉靖閒巡按李循義旌表歲給粟帛卒年八十九

府志

鄧播妻陳氏南豐人年二十夫亡無子奉姑孝謹終身  
編素羅汝芳扁其堂曰莊貞完節卒年八十

府志

胡汝桐妻曾氏南豐人事姑至孝年二十二夫亡夫之  
兄汝杞欲奪其志不從後潛謀嫁之曾赴水死時年二

十三祀節婦祠

府志

趙從顯妻熊氏南豐人年二十四夫卒撫孤世和守節  
世和娶李氏年二十五而寡撫孤令錫守節令錫娶符  
氏年二十七而寡撫孤子儀守節年俱至八十郡守沈  
子木弊之曰百年同夢人閒有三節齊芳世上無並祀

節婦祠

府志

趙從傳妻李氏元惟太妻丁氏俱南豐人少寡撫孤守

節以老壽終

府志

傅暄妻劉氏南豐人年二十二夫病刲股療之夫卒或

勸之改適遂刺雙目自誓歷六十餘年卒

府志

朱鎧妻曾氏鄧洪妻艾氏李望妻徐氏俱南豐人早寡

守節撫孤爲有司所旌

府志

鄭氏新城人年十八適孔宏乾越十年宏乾卒無子立

姪聞易爲後舉庚午鄉試時鄭年八十六

府志

鄧禎妻江氏新城人年十四歸鄧越十二年而寡撫二

女立姪應宿爲後守節以終

府志

高一元妻易氏廣昌人年十九歸高未幾元卒守節撫

子任後領鄉薦隆慶六年禮部題旌

府志

夏宥妻黃氏南城人年十八宥卒撫遺腹子守節年七

十卒隆慶六年郡守爲立表貞碑

府志

朱氏名德貞南城人益藩將軍朱存源女許聘於王未  
嫁而王卒德貞慟哭告父母請往王氏致弔許之及往  
號擗成服隨拜翁姑請留養父母屢迎弗聽守節而終  
題請建坊

府志

毛氏南城人幼字何中德未嫁而中德病死女趨赴何

氏執喪哀毀盡禮遂留事姑姑病禱以身代姑歿遂絕

粒不食死侍郎何源贊曰夫許以名遂許以身爲姑存

遂爲姑亡貞女中僅見者也巡按趙耀題旌

府志

劉三善妻胡氏南城人早寡守節舅姑將嫁之胡自縊

死事聞建坊旌表太常卿王才撰傳

府志

揭文浩妻李氏廣昌人早寡立嗣守節年七十八卒同  
邑吳光翰妻何氏夫病刲股和藥及卒哀慟守節撫遺  
腹子成立年七十五卒

府志

何氏名奇臺南城人納馮時行聘未婚時行死何年十  
四毀容服喪誓不他適母諒其意遣歸馮氏自是不復  
歸甯會母又歿何慟曰未亡人忍死者懼傷母心耳母  
已矣奚生爲遂不食而死

府志

孫滢七妻張氏瀘溪人年十八夫亡守節越數年大疫  
舅姑相繼亡張喪葬盡禮守節至七十六而卒

府志

揭廷才妻傅氏廣昌人克寬女年十七歸揭踰年廷才  
卒傅哀慟欲殉姑諭之曰予八旬且盲矣爾死予安能



獨生乎傳乃感悟而止姑病百計莫療刺血和藥以進  
比卒傳泣曰此身未敢以殉夫者爲姑在也姑逝矣何  
生爲遂絕粒七日而死萬厯開邑令顏魁槐扁其門曰  
節孝羅明德作詩挽之

豫章書

張孝女名壽姑南城人給事中張鳳翔女鳳翔病女年  
十五割股以進御史溫如璋疏請旌表

豫章書

黃受夫妻揭氏廣昌人年十八適黃踰年夫亡遺孤佑  
始生揭矢志撫孤教之成立苦節四十餘年佑以明經  
官國子監典籍巡按御史韓國禎題請旌表建坊

謝志

嵇顯妻周氏南城人年二十八夫卒子偉尙幼或勸其  
他適卽泣曰苟如是何以見夫子於地下守節歷五十  
二年偉娶黃氏生子福祖而偉卒黃如其姑以志自勵

凡二十六年人稱雙節謝志

劉氏南城劉仕和女年十八贅連忠信爲壻生子允恭方一歲忠信卒仕和諭之曰吾以汝爲嗣汝夫歿弱孤未必成人爾圖之劉應曰天將福吾父邪未亡人之孤足承祀也矢志不奪後允恭之後甚蕃劉七十而終連仲緝爲之傳謝志

甯復與妻吳氏甯善生妻鄧氏萬寬妻潘氏俱南城人夫亡守節養姑撫子以孝慈稱謝志

羅萬鍾妻黃氏廣昌人必登女年十七歸羅踰五年夫卒撫孤女立嗣守節巡按奏請建坊其女名愛壽年十五歸劉顯舉一女而夫卒哀痛守節無異於母曹能始爲作雙節傳謝志

劉承恩妻賴氏廣昌人年二十九夫亡養庶姑撫四子

曲盡其道事聞敕賜建坊旌表年八十三卒

謝志

吳履貞妻何氏廣昌孝廉沆女歸吳六載夫亡守節子

康侯由歲貢特賜進士授禮部主事陳情建坊

謝志

姜璐妻鄒氏南豐人年二十五夫亡無子撫姪爲後事

繼姑以孝聞同邑傅翰妻廖氏年十四而寡守節至九

十餘卒

謝志

譚良謨妻符氏南豐人年十六歸譚越數載良謨卒家

貧上事舅姑下撫子錡苦節歷三十九年卒年六十五

子錡舉萬歷丁未進士建坊旌表

謝志

張日祥妻涂氏新城人年二十四夫卒矢志守節撫二

孤燦炳成立年七十四卒

謝志

鄧廷盛妻傅氏南豐人生子天倫四歲而夫卒傅年二十九撫子守節後天倫登天啟二年第時傅年七十七天倫陳情建坊旌表顏曰孟母高風

謝志

張銘妻朱氏南豐人夫亡年十八子邦振甫一歲撫之守節孝事姑嫜凶年節饔飧以餉飢寒又構風雨亭二或爲楹帖曰亭短亭長幃幃伊寡婦之利候風候雨庇覆實貞女之餘崇禎七年忠烈蕭漢撰序以爲壽年九十三卒祀節婦祠

謝志

鄧仲驥繼妻丁氏南城人歸鄧未一月而仲驥卒丁哀毀守節一日夢白衣婦入招以往自知死期沐浴更衣無疾而逝既瞑復強視曰必葬我於仲子之旁臨川陳際泰爲作墓志

謝志

徐汝寬妻唐氏名丹桂廣昌人喜讀列女傳諸書年十七歸徐未幾汝寬疾將終時執婦手曰吾累子子宜別終所天唐曰毋憂君特前數武耳迫殮葬畢自縊而死後於衣帶中得血刺數字遺母曰婦道已盡無忝所生

謝志

曾汝賓妻吳氏南豐人歸曾未一月而寡誓死守節崇

禎五年建貞節坊并祀於節婦祠

謝志

李昭妻符氏南城人年四十喪夫教育三子壽百有三

歲

謝志

郭子烈母陳氏新城人崇禎四年壽登百歲有司請建

坊額曰百歲重逢

謝志

吳繼宗妻梅氏范炳妻張氏范柳妻王氏孫鏗妻李氏

邱沈未婚妻吳氏俱南城人以節旌

謝志

江以陽妻吳氏李一欽妻曾氏俱南豐人守節死兵難

謝志

何中德妻毛氏名配英廣昌人未歸而中德故女歸何  
事姑立姪爲嗣姑沒絕粒死易萬亨聘妻劉氏夫死歸

易守貞以終

謝志

潘逢亨妻羅氏子維震妻黃氏南城人並爲賊掠冒刃

死

謝志

陳經邦妻鄧氏廣昌人偕夫兄經文妾張氏寇至自經

謝志

湯紹中妻黃氏南豐人子來賀舉進士司理揚州以衣

帛寄母黃不悅手書誡之

謝志

國朝

李問妻趙氏名昭性南豐人里中稱賢婦湖東大盜閻

羅總附偽永甯王爲亂掠地南豐問染疾數日死倉猝

殞於野趙遇賊厲聲怒詈爲賊所殺弟嗣京婢女福哭

詈繼作賊又殺之見者流涕曰如何一日殺二烈女一

義士旬餘家人得趙氏首於池面如生府志 謹案府志李三喙妻趙

氏事實相類疑是一人謝志僅載姓氏並存備攷

吳程妻封氏南豐人順治乙酉爲閩賊所掠驅迫不行

以刃脅之奪刃自刎賊怒斃其幼子府志 謹案府志吳應陳妻封氏事

實相類謝志僅載姓氏並存備攷

張治康妻吳氏南豐人順治丙戌寇亂治康病且革吳

傷亂憂夫祈天請代夜赴水死治康竟無恙府志

管子才妻曾氏名賽南豐人管甯都人乙酉之亂曾同  
弟秉奇遇賊顧秉奇曰此吾效節致命之日也汝宜速  
去秉奇不可姊弟並罵賊死府志

趙玉鉉妻朱氏新城人蚤年夫亡子殤一女僅存朱食  
貧守節女長而嫁依壻以生順治丙戌寇亂女爲賊獲  
不屈賊怒刃之灑血盈地朱顧女言能如是乎遂解帶

自經女亦自縊其姑解之女免朱卒府志謹案順治

婦女謝志有鄧在仁作學妻劉氏潘鍾秀妻陳氏江人

玉妻許氏李藻然妻徐余作氏王聘女四玉程子貴妻

張氏楊日華妻儼魁劉氏黃宜會妻王氏裘紹祺妻饒

氏府志有涂大衡妻黃氏吳端甫妻涂氏魯希爽妻饒

氏魯某妻江氏子君虞妻潘氏李端揆妻楊氏妹雪香

江右賢妻李氏李國祥妻陳氏楊國祥妻王氏楊日芳

妻余氏潘獻

甫妻鄧氏

揭鼎妻吳氏廣昌人兵亂被執不辱死府志謹案順



荆難婦女謝志有饒穎妻黃氏謝炳妻胡氏饒州牧妻  
唐氏何振先妻曾氏吳惟一妻李氏揭尊行妻魏氏饒  
朝棟妻黃氏府志有揭樸公妻某氏揭叔元妻某氏何  
順妻某氏揭去解妻魏氏謝葫蘆妻某氏劉鉉妻黃氏  
揭細禾妻劉氏  
饒伯循妻盧氏

饒于鼎妻李氏廣昌人年十六歸饒生一女夫歿親治  
具營葬屬工結虛穴待已姑以年耄女少諭之得不死  
越六年姑歿歲餘女復夭李持刃曰夫死吾當死姑死  
吾當死今女又死吾何生哉遂自刎死以烈旌謝志

盛鍾琦妻李氏南城人夫歿哀毀自盡順治十二年旌

謝志 原案安志  
盛鍾琦作盛大才

王夢蘭聘妻張氏名賽姑南城張居易女未嫁夢蘭卒  
張赴弔遂不歸誓從王氏守貞奉姑勤紡績供甘旨年  
五十餘有司題請建坊旌表又立節孝碑於圭峯寺少

詹梅之珩序之謝志

揭衷熙妻萬氏廣昌人知書史大義年十五歸衷熙善

事其姑衷熙護餉死於盜盜將匿其骸爲質索金萬聞

率家人潛發遺骸順流疾歸茹痛而死府志 謹案廣

志有符東山妻黃氏吳成珊妻黃氏楊國賢妻

朱子哲妻梅氏南城人子哲明光澤知縣盡瘁死康熙

十四年耿精忠變作梅爲賊所執握其臂梅憤然曰此

臂豈可污邪奪刃自斷其臂而死府志 謹案順治康

謝志有張平子妻夏氏朱太素妻彭氏范政妻吳氏張

世長良一作妻袁氏姚子文妻劉氏及二女鄭紹祿妻徐

氏夏大典妻黃氏劉百戶妻某氏蔡宗沈妻上官氏李

冰妻黃氏肅大生妻易氏顧老妻某氏鄧某妻黃氏黃

義甫女正姑鄧復陽妻朱氏女淑女德黃季豹妻張氏

黃子芬妻胡氏鄒于岸妻張氏邱維邠妻黃氏吳堯妻

周維藩妻吳氏危伯琦妻李氏

湯學仁妻徐氏南豐人賊將至預與夫訣登樓去梯自

縊府志謹案順治康熙間南豐殉難婦女謝志有吳

李自時妻趙氏劉仁順妻鄧氏陳儀妻劉氏余伯定妻

饒氏鄧丕妻符氏鄧台輔妻吳氏曾曰斌妻胡氏譚仲

明妻江氏鄧益妻曾氏賣漿婦某氏府志有李夏妻蔣

氏張以聖妻李氏甘士才女又梯某妻饒氏張遠稷妻

胡氏揭弁妻饒氏

許汧妻涂氏新城人能文學善事舅姑康熙十四年兵

亂汧出見執涂使人蹤迹之盡出匳具鬻金募壯士夜

奪而歸汧嘗遠游涂親教子必嚴後人率多文學起家

年九十九卒府志

盧琬妻林氏瀘溪人康熙閒寇擾林負病姑出避既遇

賊坐泥淖不起寇不能前追斫之項臂傷及八刃寇退

而甦府志

王拱盤妻孫氏瀘溪人順治丙戌賊掠邨落拱盤父年八十孫掖之行中途遇賊曳孫孫訴曰我手豈爲人曳死卽死耳毋傷吾舅賊刃之罵不絕聲賊碎其屍併殺其舅

府志

謹案順治康熙間瀘溪殉難婦女謝志有李端甫妻林氏曾日上妻林氏王維南妻傅氏張

氏義女福貞王俊德妻邱氏丁亨妻倪氏丁叔旦妻梁氏龔燦六女府志有魏萬妻鄧氏傅定亮妻曾氏傅開

新妻艾氏魏仲華妻丁氏魏羽妻高氏于榮妻官氏左元珍妻許氏

李挺妻王氏瀘溪人遭寇亂罵賊不屈賊刃之而仆賊去復甦兵後大疫闔戶死二十人周撫二歲兒僅存艱

苦備嘗卒保其節

府志

邱瓚婢名新喜瀘溪人邱故鉅富康熙閒土寇入室擧家潛匿獨婢爲賊所獲詰瓚所在擊之垂死終不肯言賊退以創死瓚子孫世祀之

府志

李偉妻封氏南豐人康熙乙卯年十八歸偉值閭寇亂避斗門砦九月賊帥樂燦踞城肆掠偪開砦門封懼辱與李四妻沈氏李士先妻包氏俱投崖死沈年二十六

包年二十八

謝志

張尙璧妻劉氏新城人夫卒堅志守節康熙五十三年

旌

謝志

鄧守謙妻饒氏瀘溪人夫亡守節康熙五十九年旌

謝志

傅璿妻湯氏南豐人年十九夫歿號慟願從死母年老

無子愛女特甚以死持之乃強從母命不果死事舅姑

孝謹撫二孤成立嘉定張大受爲之傳

古今圖書集成

葉調元妻傅氏南城人未嫁而調元客死喪歸傅泣告父母往弔痛夫無兄弟乃留養姑守節五十八年姑八

十餘以壽終康熙六十年旌謝志

湯大勲妻李氏南豐人幼聰慧通毛詩內則年二十六

夫亡居常衣布茹疏守節終身康熙六十年旌謝志

范以學妻羅氏南城人以學有孝行母亡與羅朝夕哀

泣不十日以學死羅視殮畢自經家人救之絕粒七日

死

府志謹案南城殉夫婦女府志有姚薰妻左氏游

鐸妻王氏

曾懿玉女六姑南豐人字於李薦一未婚懿玉家貧甚

時爲債家所窘六姑與母勤紡績以償而不能盡會河

水暴漲室廬漂塌女母陳氏歎貧不可爲投水死女援

母不及入水以殉府志

王氏名金英南豐人字於揭未婚夫亡欲往事姑而姑

又死於是金英決以身殉父母不可金英乃持喪服者

六年父母既歿金英自縊死去夫亡二十有五年

府志

胡某妻裘氏新城人既嫁歸甯父母適大水暴漲比戶

登屋求免鄰有裸者據屋脊裘恥之不上屋卒以溺死

府志

周觀吉妻謝氏南城人年二十一守節撫孤凡四十年

黃孟熙妻張氏新城人年二十八守節凡四十五年皆

雍正四年旌

謝志

謹案縣志黃張氏傳附載子婦裘氏黎氏曾孫婦傅氏並夫亡守志時稱四

節

揭斯禡妻吳氏南豐人年二十一夫亡遺腹生子事舅姑至孝一日歸甯忽心動急歸翌朝舅果卒里有爲債家所偪將鬻妻以償者吳聞之曰債負幾何而忍生割

其妻乎脫簪釧保全之守節三十年雍正四年旌謝志

揭斯祿妻趙氏文其順妻黃氏俱南豐人撫孤守節雍

正四年旌謝志

吳元開妻王氏新城人年二十六守節歷四十七年劉

嘉沐妻李氏南豐人年二十一守節凡三十七年雍正

五年旌謝志

易鴻岸妻徐氏南城人年二十三而寡事舅姑以孝聞

翁死於閭徐拮据歸其柩喪葬如禮撫遺腹子守志凡

四十四年雍正七年旌謝志

夏曦妻藍氏廣東歸善人曦籍南城客於粵娶焉每寒

暑藍手製衣服寄舅姑曦歸省親卒藍守節歷三十三

年雍正七年一作八年旌謝志



甯雲友妻吳氏吳崧妻羅氏危禹仁妻饒氏俱南城人  
撫孤守節王以鳳妻楊氏李文亮妻熊氏楊芬妻鄧氏  
楊大燦妻涂氏王葵日妻饒氏朱驥妻劉氏潘一猷妻  
黃氏俱新城人夫亡守節以終皆雍正七年旌

謝志

楊大烜妻鄧氏南城人舉人鄧昞女歸新城楊氏六年  
大烜死有遺腹子名城時舅姑俱沒東明官舍耿逆變  
南北道梗閒關扶櫬歸流離顛沛中喪祭無失禮撫幼  
叔同所生丙辰竄居山砦賊攻圍急恐不免乃盡出簪  
珥裂尺帛裹置兩兒袖閒書其上曰取此活兩兒命而  
自懷利刃坐井欄上誓砦破死之幸無恙年八十餘以  
壽終子城早殞城妻涂氏遺腹一子尙鑾涂曰夫幸有  
子不可不撫以終三年喪服除抱兒再拜哽咽氣絕踰

時復甦事孀姑稱孝謹年老猶侍姑起居命之坐然後

坐尙鑾舉癸卯鄉試雍正七年並旌

謝志

譚師孟妻江氏南城人年二十七而寡事舅姑以孝聞

撫孤成立苦節三十四年雍正八年旌

謝志

饒典繼妻梅氏南城人年十九夫亡撫孤守志子天猶

撫兩孫苦節五十二年雍正八年旌

謝志

馮宗岱妻胡氏新城人年二十七守志事翁姑以孝聞

兄銓以進士知范縣數書招甥胡令勿往且貽兄書有

潔己愛民之語四子俱天撫諸孫成立守節凡五十年

雍正八年旌

謝志

崔可綸妻汪氏妾鄒氏俱南豐人夫沒共撫孤守節凡

五十五年雍正八年旌

謝志

李天植妻鄒氏南豐人年二十二夫亡孝事舅姑撫孤子成名守節凡三十二年雍正八年旌謝志

危藻妻曾氏南豐人年二十八夫亡痛悼幾絕嫡似三人相繼沒舅貧老曾曲意承養撫兩孤彬楷以嚴毅並膺鄉薦平居屏絕尼巫病篤不祈禳卒年六十四雍正

九年旌

謝志

吳子祥妻胡氏新城人年二十五夫亡撫孤守節五十年雍正九年旌謝志

胡時烺妻過氏新城人年二十四夫亡奉舅姑撫孤守節五十餘年雍正九年旌謝志

喻懋達妻張氏新城人年二十二夫亡有二子抗節苦守會二子皆病篤泣曰夫亡不死以子故也子之死生

予實係之夜夢神以藥飲二子疾皆愈張年八十一卒

雍正十年旌府志

梅國棟妻鄧氏南城人幼淑慧能讀曲禮女史諸書事翁姑孝謹雍正甲辰國棟赴公車客死河南鄧聞訃呼搶不欲生念夫棺未歸一子羸弱不能舉兩喪暫起飲食拮据迎夫柩營葬畢作絕命詞暨遺屬累千言登樓

自經謝志

李巽妻胡氏南豐人年二十六夫歿家貧冬夜織紵飢時則撮雪咽之以布易粟供姑膳已與二子菜羹飢粥姑病扶掖摩撫常至達旦姑歿哀毀如喪夫時苦節三十六年六十一歲卒謝志

梅子元妻丁氏南城人遭亂子元父被執子元奔救願

以身代受拷掠死丁哀毀不欲生其兄以撫孤勸之強起苦節三十餘年課二子俱成立爲諸生卒年八十二

謝志

符乾妻李氏南豐人夫亡自經死

府志謹案南豐殉

妻傅氏黃士嘉妻甘氏熊鑑彥妻吳氏李邦球妻湯氏

李邦柏妻鄭氏名桂劉夢松妻李氏邵南治妻聶氏王

舉桂妻危氏劉五妻吳氏胡以壘妻劉氏甘邦泰妻程

氏馬金鈴妻姜氏諸萬浣妻李氏高廷熙妻趙氏雷士

蘭妻鄧氏黃世璽妻曾氏鄧林妾章氏吳魯泉妻儲

氏膏新寶妻黃氏姪克皆妻周氏江星揚妻嚴氏

孔傳麟妻劉菊姑新城人未婚而傳麟卒菊姑自經死

府志謹案新城殉夫婦女府志有涂大穎妻黃氏潘

蓮士妻涂氏江懋功妻皮氏鄧廷樑妻涂氏魯鳳岐妾

盧氏涂裕  
昆妻王氏  
封邦觀妻王氏南豐人夫亡守節事姑以孝著會里大  
疫姑病娣姒盡死遺幼孤二人王禱里社刲股肉療姑

撫兩孤如己子時問病者多染疫王晝夜侍姑側卒無

恙

謝志

黃有瑗妻饒氏新城人夫亡事舅姑中禮課子以嚴有不率教必稟命舅姑而杖之或曰兒孤宜恕饒泣曰惟孤更不忍以慈敗也聞之者以爲名言乾隆元年旌

府志

王從賢妻蕭氏新城人幼字於王夫長而貧以不能娶來辭婚蕭聞泣下父感女意卒歸之王氏益貧乏二年夫死蕭以女紅供舅姑撫子成立乾隆四年旌

府志

何國柱妻江氏新城人國柱病篤猶念子不置江氏以撫子自任嚙指爲誓夫亡守節遇歲飢檢嫁時衣及珠鈿白舅姑曰婦嫠無用此請鬻之以食飢者姑爲易金輸官助賑乾隆七年旌

府志

曾邵妻丁氏南城人邵應禮部試歿於都中丁事姑孝謹雖進蔬菽必潔俟食已乃退禮法秩然嘗夜篝燈課二子讀躬自紡績以督課少倦則流涕責之守節四十餘年乾隆十八年旌府志

邱良佑妻儲氏南豐人年二十夫亡遺腹生子孝節並著會歲大饑進膳於其舅而躬自與子啜糠粥舅哀其事使人微諷之儲泣曰糠粥何妨此語乃傷人心耳鄰有巨族曾氏娶婦迂儲一顧儲堅辭不可巨族乃令新婦執贄入謁一時女從俱拜以得見節婦爲榮乾隆二十五年旌府志

聞斌妻程氏南城人夫弟無行犯之不從見殺事旋白乾隆五十五年旌府志

莫姑其里居不可詳爲南豐趙由俶養女幼字杜光操  
光操諸生貧不能娶由俶子官浙江由俶挈家就養莫  
姑從或妄傳光操貧困死舟過蘭谿莫投水死尸出衣  
履縫紉甚密懷中有血書曰生爲杜氏人死爲杜氏鬼

府志

黎氏名大宜南城人母夢瓊花而生蚤歲明慧通知書  
史許字劉某劉久客不歸守貞終其身其詞錄入江西

詩徵

府志

李漢昇女名連弟南城人漢昇挾醫術遠遊妻黃病卒  
子復相繼死女撫二猶子於襁褓中遂矢志不嫁里人  
稱之曰貞孝姑

府志

徐蘭妻吳氏南城人年十九夫亡刺舌血爲盟詞納夫



棺中誓守節操嘉慶十一年旌

府志

陳道妻楊氏新城人道名進士子孫多顯達道卒楊輒舉道生平勤學以勵後人年七十諸子共謀爲壽楊不許使以其金爲義倉陳氏之有十倉此其端也累封一品夫人年八十四卒道妾雷氏有禮法子守誠貴雷且病痿每楊至必使婢舁榻於旁

府志

陳守貽妻魯氏新城人陳魯皆世族有家法魯氏尤善持論每言盛衰倚伏端倪於微細而其驗乃在數十年後推遷之勢因於財賄凌替之由中於心術平生相夫教子率以此言

府志

陳元妻黃氏新城人年二十一夫亡有子三人希祖希曾希孟使日從游於賢士大夫粹勵品學三子並貴以

希曾官封一品夫人

府志

李某女南城人幼字人未婚夫亡秉性方正守貞事親所居邨落染疫獨李無恙或聞疫鬼相戒毋犯貞女之

家

府志

鄭柄春女南城人兄錫庚官祁陽知縣寡母病邁女與弱弟留籍侍養會母病篤女言生平未嘗頃刻離母苟有他虞當以身殉母死女爲絕命詞二章仰藥自盡

府志

劉簡妻趙氏譚宏妻李氏並南豐人夫亡剪髮誓節

府志

譚遇金妻全氏南豐人全農家女歸劉辭甘就苦謹守婦道里中悍婦爲之改行旣而遇金疾卒全罄家產營

葬葬畢自縊死

府志

劉師顏聘妻趙氏名良音南豐人師顏父寅邑名士不

遇悒悒死母黃茹苦撫之蓄貲聘婦乃得良音既聘家人偵知師顏貧有悔志良音泣曰背盟非義語聞師顏發憤讀書晝夜攻苦不數年以勞疾死良音聞訃過劉氏而哭詞旨激烈遂留事姑營女紅供甘旨年三十八卒以貞節旌

府志

劉起鵬女名星姑字季蘭南豐人幼時父嘗病危刲股和藥以進病頓愈族黨爲繪西園行孝圖士大夫多詠其事適諸生黃鳴盛

府志

趙秉水女名發金南豐人幼字於邱邱早喪父母長而盡蕩其產告於趙氏請改婚女聞自縊死

府志

曾維城妻邵氏南豐人年三十夫亡爲詩見志大書於壁詞曰男女雖殊質節忠惟一義爲臣不事兩作婦豈

從二吾敢曰能賢撫孤心所志持此一片誠甯遑恤盡

瘁

府志

郭磐妻孔氏新城人夫亡有四子家貧躬自課之手輯

孤子嚮學之事彙爲一編號訓兒錄

府志

許有瓊妻涂氏新城人幼識文史善正書孝其母旣歸  
許姑病事之維謹不解衣者四年瓊卒守節年八十三

卒

府志

涂學禧妻湯氏新城人有文學嘗爲五老峯賦麻姑仙  
壇詩年二十九夫亡守節奉親撫孤鄉里賢之年八十

卒

謝志

吳匯川妻孔氏新城人年二十三夫亡守節自課其子  
或告以事佛者孔曰與其布金祇園孰若分潤族里邪

年六十族人議爲請旌孔辭曰婦人不幸以節聞旌非  
所望也子孫能讀書成名斯願足矣年八十餘卒

府志

黃續璠妻周氏新城人年二十生一子續璠遠遊家貧  
衣食無措鄰子饋以粟周察其意非善也力卻之母子  
閉門餓死

府志

許某妻孔氏新城人毓玠女許故軍籍以漕運久役江  
淮孔積紡績貲營田畝或謂子固世族何徒自苦孔曰  
是豈牟利凡人勞則思善耳年三十許某卒孔自經死

府志

何其卓妻魏氏廣昌人其卓登鄉舉魏善事其姑刲股  
療病姑亡五日不食罄匱具治喪葬鄉里稱孝婦

府志

魏東洋妻黃氏瀘溪人年二十九夫亡茹苦撫孤壽至

百歲

府志

徐允叔妻林氏瀘溪人年二十四夫亡翦髮納棺以明志袖中嘗挾白刃自言非義相干當以自刎事舅姑孝謹既沒亡日必致哭奠

府志

鄧挺立妻盧氏瀘溪人年二十七夫亡折齒納棺誓節

同邑徐允升妻林氏朱定川妻周氏夫亡截髮守志

府志

趙宜霆妻魏氏南豐人多材藝能文善琴宜霆官武昌

同知旋卒魏碎琴不復再鼓立嗣守節清操卓然

府志

劉慶妻趙氏南豐人慶官禮科給事中趙歸事舅姑稱

孝舅官秦中負官逋趙典釵珥嫁衣以償慶卒趙仰藥

死同治八年旌

府志

李培妻吳氏南城人通知書史大義諳醫家言培以咸

豐閒勦賊殉難吳欲自盡家人以子女尚幼爲勸乃止

教育數年子女成立謂人曰吾事畢矣一夕赴井死府志

陳麒昌妻鄧氏新城人麒昌官全椒知縣粵寇告警鄧

拔簪珥犒軍旣回籍寇竄縣境麒昌率鄉兵戰敗死之

鄧仰藥以殉旌表入祠府志

陳宜聘妻魯氏新城人嫻覽經史嘗著古今人物小論

年十七未婚夫亡告父母奔喪留事舅姑備極孝謹咸

豐閒賊入縣境自經死府志

江發祖妻范氏南城人咸豐十年避寇山中遇賊怒罵

賊驅之行經絕澗范抱子疾投澗中死逾五日鄉人見

范尸抱子怒目坐水上發祖往殮手足屈不可動因祭

且泣曰死節就義復何恨尸乃仆目瞑府志

城婦女殉粵賊

珠胡炳元女千金胡占元女九英蔡坤妾王氏黃圖翰	女侯擅元女潤珠劉桂芬妻某氏女銀珠胡建福女連	紹廷聘妻連二女范某女善英劉元鈞妹英嬌女保修章	氏李春廷二女范某女快姑傅茂松女金英吳元焜妻周	國妻張氏王桂山女快姑傅茂松女金英吳元焜妻周	吳氏王煊妻龔氏饒憲章妻陳氏張榮興妻盧氏余明	英黃某女佳姑甯振芳女順姑僂女蘭嬌劉獻廷女雲	黎某妻萬氏鄭某妻萬氏劉宏僂女蘭嬌劉獻廷女雲	李輝元妻劉氏子婦吳氏錢世榮妻傅氏劉錦懷妻李氏	選妾某氏劉溶妻梅氏錢世榮妻傅氏劉錦懷妻李氏	氏俞兆泰妻李氏黃應秀妻田氏黃在三妾田氏林朝	和妻陳氏潘元伯妻曾氏黃占先妻崔氏謝明福妻廖	氏吳渭泉妻楊氏吳家驪妻甯氏潘福熙妻陳氏潘占	謙妻鄒氏涂開元妻元氏蔡厚山妻鄧氏夏友茂母傅	氏吳德昭妻阮氏曹懋修妻張氏曹敬修妻陳氏劉智	妻何氏范碧川妾周氏黃顯謨子婦余氏彭紹曾妻嚴	饒氏崔榮祥妻劉氏邱伯英妻鄧氏子婦章氏洪呈瑞妻	氏王瑤妻李氏鄧達川妻鄒氏曾然妾廖氏張濟源妻鍾	波妻甯氏丁鼎新妾鄧氏李文俚妻吳氏張濟源妻鍾	氏余郁階妻楊氏危崇固妻鄧氏黃萬元妻楊氏曾	矩妻黃氏陶東麒妻丁氏羅連生妻李氏萬鼎魁妻崔	氏范步丹妻王氏包彩輝妻張氏黃鶴羣妻朱氏馮元	氏朱斌妻李氏饒爲春妻蔡氏女孫雲嬌饒星魁妻黃	之難者府志有李世培妻吳氏邱尚賓妻章氏子婦某
-----------------------	-----------------------	------------------------	------------------------	-----------------------	-----------------------	-----------------------	-----------------------	------------------------	-----------------------	-----------------------	-----------------------	-----------------------	-----------------------	-----------------------	-----------------------	------------------------	------------------------	-----------------------	----------------------	-----------------------	-----------------------	-----------------------	-----------------------



妻梅氏蕭文耀妻黃氏姚其發女麥珠鄧達川女金姑  
 崔順祖女大姑程志雲女邱永祿女川英朱爾藥女賀  
 弟廖鴻萬女新珠謝占魁女劉重陽女楊瑞麟女黃茂  
 廣女連英錢景星女蘭英錢瑞祥女寶珠饒瑞青女帶  
 弟饒梅生女翠金會某妻許氏吳燦垂女大引姑吳雲  
 福女賽英黃杰人女貞姑傅光燦女春英傅加順女秋  
 英楊某妻傅氏傅汝川女傅茂貴女玉英黃郁耀女添  
 喜黃蘭萬女五汝曾大經女珍珠會映玉女桂珠曾亮  
 興女曾某妻黃氏曾馮義女劉應辰女喜姑劉正爾女  
 壽金劉榮膺女鳳珠李春木二女鄧變元女巧英謝洪  
 進姊

周世倬妻徐氏孫芳杏妻黃氏南豐人咸豐間寇亂並

罵賊死俱被旌表

府志

吳昌籌妻韓氏宛平人昌籌籍南豐咸豐間死粵寇難

韓既營葬為書訣所親自縊死韓嫻文翰遺詩數十章

附昌籌集後

府志

謹案南豐婦女殉粵賊之難者府

封某妻張氏名晴霞包某妻某氏劉紋女淑娟黃元素玉  
 妻許氏官笏妻張氏趙宜佑妻伍氏張蘊華妾杜氏趙

華堂妻劉氏李縵妻曾氏揭垂齡妻趙氏黃士煒妻吳	譚氏婢平安謝昌甲妻吳氏妾賀氏徐省吾妻羅氏子	趙氏及女謝祖濂妻揭氏劉良孜妾王氏邱尚忠子婦	霖妾王氏黃世馨妾薛氏蕭思敬祖母趙氏劉良通妻	氏李貴壽母羅氏李春貴妻湯氏黃世復庶母盛氏夏爲	王芬遠妻湯氏曾新茂妻蔣氏黃世復庶母盛氏夏爲	妻崔氏鄒卓爾妻黃氏羅運符妻李氏陳官生妻邱氏	李學序妻楊氏王介福妻吳氏魯光芹妻曾氏胡奏韶	南妻黃氏黃某妻劉氏夏梅花妻席氏李學美妻康氏	氏張餘慶妻崔氏官德春妻吳氏劉有發妻曾氏王瑞	王妻過氏劉隆禮妻趙氏然妻李士俊女鳳珠鄒興發妻趙	氏鄒炳奎妾楊氏曾道然妻李士俊女鳳珠鄒興發妻趙	輔妻邱氏張萬壽妻余氏王士俊女鳳珠鄒興發妻趙	徐氏劉氏女接喜鄭雲初妻吳氏李國鼎妾孔氏李成	景發妻吳氏封育堂妻嚴秉和妻吳廷誥母王氏曾典誥妻	彭氏嚴晴九妻李氏嚴秉和妻吳廷誥母王氏曾典誥妻	兆英妻劉氏吳廷模妻儲氏吳廷書妻魏氏劉敘彝妻	劉氏趙惟嶠妻劉氏吳遇周妻張氏子益廷妻張氏姚	潤岡妻魯氏吳思紳妾張氏吳承佐妻陳氏吳永壽妾	妻李氏江源演妻艾氏黃應鍾妻李氏吳某妻陳氏席	婦曾氏名幼鳳黃良貴妻揭氏彭柏齡妻鄒氏馬富元	鑑銘妻李氏女翠娥劉斯榮妻吳氏黃祥文妻李氏子	徐氏鄒善之妾阮氏揭垂芬妻曾氏揭垂型女英娥曾	晉閣妻杜氏鄧富周妻王氏趙鳳初妻邱氏羅運璵妻
-----------------------	-----------------------	-----------------------	-----------------------	------------------------	-----------------------	-----------------------	-----------------------	-----------------------	-----------------------	-------------------------	------------------------	-----------------------	-----------------------	-------------------------	------------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------

氏趙鷺洲妻劉氏妹小紫周緒芳妻曾氏邱思刻妻譚氏儲時勉妻鄢氏江世福妾陳氏李日升妻黃氏羅才衍妻湯氏曾任勲妻朱氏嚴讓泉妻李氏趙繩武妻周氏周開變妻劉氏

涂運泰妻朱氏新城人運泰官湖北巡檢勦賊陣亡朱

率二女投井死同邑福建漳州府經歷涂宗謨妻黃氏

宗謨殉難漳州黃率子婦二女從死浙江鹽運司經歷

陳受多妻李氏受多死杭州李偕庶祖姑某氏並自盡

陳澤恩母譚氏依弟祖同於浙庚申寇至赴水死子婦

陳氏仰藥死王道煒妻周氏夫弟官湖北周隨舅姑往

官所武昌陷周罵賊死陳松年妻方氏蘇州陷赴水死

府志 謹案新城婦女殉粵賊之難者府志有鄧葆華庶母李氏妻王氏女儒珍邱忻妻王氏鄧祥麟妻朱氏

江壽萱妻涂氏涂壽齡妻王氏及女江某妻黃氏查愷元妻黃氏丁雲松妻龍氏名珠鄧金龍妻過氏鄧餘慶

妻涂氏馮獻臣妻邱氏涂啟澄妻吳氏弟啟蘭妻黃氏江觀光妻鄧氏葉顯元妻江氏涂天錫妻鄧氏過長茂

妻張氏涂以軾妻劉氏女寶珠子婦黃氏女孫掌珠小  
珠新珠陳夔妻孔氏陳蘭翹女景福馮鵬妻黃氏吳經  
五妻黃氏黃金聲妻許氏黃某妻熊氏朱某妻吳氏黃  
永泰妻曾氏孔憲仁妻吳氏李愷元妻黃氏湯煥妻邱  
氏張之窗妻曾氏張爾瞻妻李氏張紹奇妻鄧氏劉銘  
妾涂氏涂崇職妻汪氏陳學厚妻潘氏陳希召妻趙氏  
黃嵩生妻鄧氏魯遜妻涂氏魯桂妻饒氏魯恭賢妻吳  
氏魯西崖妻張氏魯松南妻黃氏魯晉超妻黃氏魯濟  
盛妻涂氏魯志英妻李氏魯洪舜妻葉氏魯守安妻金  
氏魯吉軒妻黎氏黃思永妻魯氏吳富用妻鄧氏楊燭  
谷女桂姑曾榮萬妻王氏廖延暉妻李氏潘建勳妻鄭  
氏郭元甫妻楊氏郭集序妻胡氏蔡細異女某包錦貴  
妻魯氏危興才妻李氏危鳳章妻鄧氏朱細牙妻李氏  
李厚吾妻邱氏吳寅斗妻黃氏黃定元妻鄧氏邱蟠妻  
包氏封穎妻吳氏丁雲松女龍珠  
氏魯齡妻蔡氏丁雲松女龍珠

黃瑞生妻曾氏廣昌人年三十一夫亡守節賊至不屈

死府志謹案廣昌婦女殉粵寇之難者府志有蕭楊

吳氏曾太和妻鄭氏謝祥玉妻聶氏何銓妻陳氏何孔  
徒女鄧樵妻聶氏揭倚衡妻黃氏游正豪妻魏氏聞明  
樂妻魏氏萬松京妻余氏鄧光華妻歐陽氏龔錫五妻  
鄧氏饒孔松妻彭氏饒孔達妻劉氏饒孟英妻魏氏何

翰章妻吳氏鄭國華妻李氏饒旆揚妻魏氏饒福貴妻  
劉氏魏九衡妻鄧氏魏高舉妻李氏汪斗魁妻劉氏饒  
某妻劉氏名含章賴新甫妻湯氏黃經之母謝氏黃先  
鳳妻王氏黃接宗妻謝氏唐道運妻黃氏唐道連妻嚴  
氏唐宗錦妻王氏黃某妻羅氏丁悠久妻鄭氏傅衡妻  
李氏黃振戎妻李氏魏鳳池妻李氏湯世環妻李氏黃  
某女福新李朝昇妻符氏李汝珍妻  
張氏劉謹民妻饒氏魏煥文妻黃氏

孫干祿妻彭氏瀘溪人翁丙章官貴州知縣咸豐閒干

祿隨父謁選京師彭家居遇亂裂眦罵賊死府志瀘溪婦

女殉粵賊之難者府志有林笏恭妻曾氏子婦吳氏曾  
氏女孫某饒某妻黃氏名錫鸞張某聘妻黃氏名和鸞

盧細攸妻左氏于金營妻官氏劉時庚妻陳氏范步丹  
妻王氏江惟璋妻程氏梅某妻范氏范某妻王氏邱琴

堂妻傅氏傳有喜妻林氏黃懷宗妻孫氏梅雙喜妻范  
氏孫成萬妻饒氏曾珍生妻余氏鄧敬妻王氏高加寶

妻黃氏吳洛生妻傅氏王信元妻饒氏黃某妻孫氏汪  
某妻饒氏盧學松女采蘭饒朝東妻孫氏李慕韶妻汪

氏彭長命妻石氏姚廷詔妻王氏子洪妻彭  
氏雇婦蕭氏吳祥生妻魏氏曾百順妻徐氏

江西通志卷一百七十四